

3  
13

# CONSTITVTIONES

## INSYNODIS DIOECESANIS

Ab Eminentiss. & Reuerendiss. Domino

# DOMINO ASCANIO

S.R.E. CARDINALI PHILAMARINO

Archiepiscopo Neapolitano celebratis,

*Ab anno 1642. vsque ad annum 1662. Et nu-  
per in unum se collectæ editæ.  
Et publicatæ.*



Romæ, Ex Typographia Reuer. Cam. Aposto-  
licæ M. DC. LXII.

In Synodò Diocesana habita Neapol. die decimanona mensis Augusti Anno 1642.

*Primum Decretum.*

**A** Pocæ directæ Bancis continentes quantitatem ducatorum, viginti, vel infra, habeant executionem paratam contra personas Ecclesiasticas, iuxta Constitutionem Synodalem alias editam, sed pro alijs Apocis prædictam quantitatem, excedentibus procedatur ordinariè, prout de iure, taliter prædictam Constitutionem innouantes, & moderantes.

*Secundum Decretum.*

**L** Aici, qui septimum ætatis annum excedunt habitum Religiosorum, cuiuscunque Ordinis non deferant, nec etiam prætextu deuotionis, vel voti sub pœna amissionis illius, alijsque nostro arbitrio.

*Tertium Decretum.*

**P** Arochi sub pœna suspensionis à diuinis caueant assistere, matrimonijs Domi contrahendis absque nostra expressâ licentia, seu nuptijs benedicere sponsis sub baldachino existentibus.

*Quartum Decretum.*

**M** Oniales spiritualement cognationem contrahere non audeant, nec mandatum procurationis ad tenendum aliquem in Baptismate, vel sacra Confirmatione faciant, alioquin ipso facto excommunicationem incurrant, & Párochus huiusmodi mandatum procurationis admittens, ducatorum centum pœna mulctetur.

*Quintum Decretum.*

**N** Emo præsumat absque nostra expressâ licentia defunctorum Cadauera quadrigis vehere ad Ecclesias sub pœna excommunicationis, eaque de facto delata Ecclesiarum Præfecti, etiam exempti non suscipiant, nec sepelliant nobis inconsultis sub pœna Interdicti Ecclesiæ: Nec funeralia peragantur absque interuentu proprij Párochi (præterquam eo casu, quo accedit capitulum nostræ Metropolitanæ Ecclesiæ) Presbyteri verò, quicquid peregerint absque illo pœnam ducatorum centum incurrant.

*Sextum Decretum.*

**H** Ebdomadarij, vel Confratres Clerici cuiuscunque Ecclesiæ Nobis subiectæ alios in sui locum substituere non valeant, nisi ex dispensatione Apostolica sub pœna suspensionis à diuinis, & quamuis alij pro eis de facto assistant tanquam absentes de di-

tributionibus non participant. Cellararij verò pro adiunctis in funeralibus non admittant, nisi Clericos in sacris, vel saltem in minoribus notoriè constitutos sub pœna suspensionis à diuinis per mensem, & ducatorum decem.

*Septimum Decretum.*

**C**ellararij Ecclesiarum, & Collegiorum quorumcunque per Annum tantum exerceant tale munus, nisi pro minori tempore perdurare sit consuetum, quo peracto confirmari non possint in eodem Officio, nisi nostra speciali licentia præcedente, & tunc omnium consensus in eis confirmandis requiratur; alioquin confirmatus acceptans pœnam ducatorum quinquaginta persoluat, & confirmantes ducatorum centum pœna mulcentur.

*Octauum Decretum.*

**L**vdum litterarium publicè exercere, seu nouiter aperire cui-cunque prohibemus, nisi prius fidei professionem legitimè emiseric, & Quadragesimum ætatis annum attigerit sub pœna ducatorum viginti quinque alijsque nostro arbitrio reservatis, nisi aliud quoad ætatem nobis videbitur expedire.

*Nonum Decretum.*

**C**vm exercentibus hospitia venalia, qui mulieres apud se tentas hospitibus prostituunt; ac Sponsis, qui ante Matrimonium legitimè contractum ad sponfas accedunt illas, carnaliter cognoscendi causa, vel eas de facto taliter cognoscunt, vigore Synodaliū constitutionum alias annexa, sit excommunicatio, & absolutionis reservatio; idque compertum sit magis conscientia laqueum iniicere, quam medelam afferre: idcirco censuram à talibus casibus adimentes præfatos paterno affectu moneamus, vt à prædictis omninò caueant, ne iram Dei in se prouocent. Veruntamen, qui in prædictis (quod Deus auertat) inciderit præuia integrali confessione à quacumque Confessario per Nos approbato, vel approbando absolui possè statuimus taliter prædictam constitutionem immutantes.

*Decimum Decretum.*

**C**oncubinarij, qui ex alia constitutione Synodali absolui non poterant, nisi per quadrimestre à concubinis separati extiterint, ne dum quoad thorum, sed etiam quoad habitationē, & locum, eorum animarum celeri salutē cōsulescentes, si sic separati permanserint per duos menses absolui possè declaramus; eandem Constitutionem quoad reliqua in suo robore relinquentes.



*Vndecimum Decretum.*

**I**Vs nuncupatum Pastor bonus Archiepiscopo Neapolitano singulis Annis in Dominica prima Maij debitum, cum Synodatici, seu Cathedratici naturam habeat, eiusque loco substitutū videatur iuxta antiquam, & immemorabilem consuetudinem à Parochis Ciuitatis, & Diœcesis; necnon à Sacerdotibus, quibus onus celebrationis Missarum incumbit, & per se ipsos dictum onus persoluūt, alijsque Sacerdotibus, qui cum Ecclesiæ, vel Cappellæ alicuius seruitio adscripti sunt in officio Cappellani ordinarij, vel extraordinarij missas cum stipendio celebrant; iuxta dictam antiquam consuetudinem Dominica prima Maij prædicta, quæ olim synodus Sancti Ianuarij nuncupabatur à prædictis omnibus sub pœna dupli, & in subsidium suspensionis ab officio persolui mandamus: exceptis ijs, qui à Sede Apostolica, vel à nostris Prædecessoribus à dicto onere hætenus exempti reperiuntur. Dictum autē Ius in futurum locari, vel cōduci, vel tempore concessæ licentiæ celebrandi à quoquam exigi possē districtè prohibemus. Salua prouisione faciendâ quoad eos, qui Ecclesias beneficiales in titulum obtinent, qui de Iure dictum Cathedralicum, seu synodicum soluere tenentur.

Ascanius Cardinalis Philamarinus Archiep. Neap.

Et statim rogauit Synodum, dicens. Placent ne vobis Admod. RR. DD. Canonici, & Capitulum, Abbates, Rectores, Parochi, & tota synodus dicta decreta. Responderunt. Placent.

Deinde prædictus Dominus Promotor accessit ad Eminentissimum Dominum, & insistit pro deputatione testium synodallium dicens. Eminentissime, ac Reuerendissime Pater, & Domine. Vetus est consuetudo sacrosanctis Canonum decretis introducta, vt in synodis Diœcesanis viri aliquot vita, & moribus graues, ac probati diligantur, qui testes synodales nuncupantur. Propterea ego Marcellus Angrisanus Canonicus Promotor præsentis synodi humiliter insto apud Amplitudinem Vestram Eminentissimam pro ipsorum Deputatione. Et Præfatus Eminentissimus dixit iam deputauimus, ad quem statim accessit prædictus Dominus Secretarius, & ex eius manibus accepit quandam schedulam sigillatam, & clausam, & subito ascendit pulpitum prædictum, & pronunciauit, vt infra. 3. Ascanius Miseratione Diuina Tituli Sanctæ Mariæ in Arâ Celi S. R. E. Presbyter Cardinalis Philamari-

nus Archiepiscopus Neapolitanus in hac synodo Præsidēs. Quoniam sacri Canones mandant, vt in synodis aliqui viri spectatæ vitæ deligantur, qui nuncupantur testes synodales, quorum munus est, an aliquid in Ciuitate, & Diœcesi corrigendum, & emendandum sit inuestigare, & cognitum ad Nos, nostrumque Generalem Vicarium referre, vt opportunè prouideri possit. Propterea huic officio proponimus eos, quos in hac schedula adnotauimus quorum nomina, vt maiori diligentia, & libertate huic muneri vacare possint minimè diuulgenda esse censuimus. In dicta autem schedula fuerunt reperti adnotati infra scripti v3.

Mox prædictus Dominus Promotor accessit ad præfatū Eminentissimum Dominum, & institit pro vocatione Cleri, dicens. Eminentissime, ac Reuerendissime Pater, & Domine Sancitum est in Concilijs Generalibus, & præcipuè in Concilio Tridentino, vt omnes Ecclesiæ viri, qui de Iure, vel consuetudine Synodo Diœcesanæ, quæ quotannis celebrabitur, etiam si exempti sint interesse debeant; & si negligentes fuerint pœnas à sacris Canonibus præscriptas, incurrant: Cumque multi non adsint, nec iusti impedimenti excusationem, aut nūcium miserint. Propterea ego Marcellus Angrisanus Canonicus Synodi Promotor insto eos vocari, & absentes notari, ac contra ipsos procedi ad pœnas iuxta formam dictorum Canonum. Et Præfatus Eminentissimus Dominus dixit. Ita fieri decernimus, & mandamus. Et statim prædictus Dominus Secretarius ex pulpito alta voce dixit: Mox vocabuntur, qui huic synodo interesse debent, Nominati capite aperto stantes respondeant. Adsum, & ante Eminentissimum Dominum Cardinalem Archiepiscopum accedant, reuerentiam exhibeant, & recedant in partem, ab Ecclesia tamen non discedant quousq; synodus absoluta non fuerit, &c. Tunc ego infra scriptus Notarius synodi ex lista, quam habebam in manibus (infra describenda) vocari feci per Cursorem Clericum Ioannem Baptistam Arena omnes Abbates, Rectores, Parochos, Sacristas, Presbyteros, Diaconos, Subdiaconos, & Clericos, ac beneficiatos Ecclesiarum, & Cappellarum huius Ciuitatis, & Diœcesis, & præsentés responderunt. Adsum: reuerentiam præstiterunt Eminentissimo Domino Cardinali Archiepiscopo prædicto, & secesserunt versus altare maius, & iterum reuersi sunt ad locum suum, &c. & Absentes notaui, & per Reu. Fiscum fuerunt accusatæ contumacia, &c. Finita verò vocatione dicti Cleri Præfatus Eminentissimus Dominus mandauit dicto Domino Secretario, vt ex suggestu legeret  
no-

nomine suo monitionem positam in Pontificali, quæ incipit, *Fratres*, &c. quam ascendens pulpitem prædictum alta voce legit, quæ finita, dictus Dominus Promotor accessit ad Eminentissimum Dominum, & dixit Eminentissime, ac Reuerendissime Pater, & Domine. Cum videam omnia, quæ ad Synodi celebrationem ex præscripto sacrorum Canonum, & præcipue sacri Concilij Tridentini requiruntur, in præsentì Synodo esse confecta, ego Marcellus Angrifanus huius Synodi Promotor iusto si Eminentie Suae placuerit, ut eadem Synodus terminetur, & Clerus omnis ad suas Ecclesias dimittatur. Et Præfatus Eminentissimus dixit. Finis in præsentì Synodo imponatur. Et statim prædictus Dominus Secretarius ex pulpito dixit. Ad laudem Omnipotentis Dei, Beatissimæque semper Virginis Mariæ, Sanctorum Ianuarij, Agnelli, & aliorum Patronorum nostrorum honorem, decernimus Synodum completam, & propterea cuique eundem esse ad proprias Ecclesias. Curatè cum redieritis, ut populus omnis vos ab hac Synodo non mediocrem fructum reportasse intelligat, &c. mox dictus Dominus Promotor erigens se, dixit alta voce. Ego Marcellus Angrifanus V. I. D. Canonicus Neapolitanus huius Synodi Promotor iusto, & rogo Notarium, & Actuarium præsentis Synodi, ut de singulis in hac Synodo gestis, & peractis, Vnum, vel plura conficiat Instrumentum, vel Instrumenta. Et ego infra scriptus Notarius respondi conficiam libenter, &c. Tandem Præfatus Eminentissimus Dominus benedixit Synodo more solito dicens, sit nomen Domini benedictum, &c. & fuit dimissa Synodus, dicente Domino Canonico Andrea Lecteresio primo Diacono, alta voce. Procedite in pace, &c. & omnes abierunt, &c.

In Synodo Diocesana habita Neapol. die Octava mensis Maij Anno 1644.

*De Sacramento Matrimonij.*

*Primum Decretum.*

**N**on desunt, qui matrimonia de facto clandestina sine legitimis denunciationibus, non seruata forma sac. Conc. Trid. contrahunt, & quod peius est etiam Parochis violenter adductis, quibus, & si alias Constitutionibus Synodalibus nostrorum prædecessorum fuerit iam pronisum, nihilominus, quia hæc in dies acci-



accidere videmus. Volentes Nos quātum possumus talibus abusu-  
sibus providere, illisque obuiare, inhibemus sub pēna excommu-  
nicationis latae sententiae quoad contrahentes talia matrimonia  
de facto absque legitimis denunciationibus; Parochis verò, vel  
alijs Sacerdotibus de licentia Parochorum talibus matrimonijs  
assistentibus praescribimus penam ducatorū centum praeter alias  
penas nostro arbitrio reservatas.

*Secundum Decretum:*

**N**on videtur conforme dispositioni Sac. Conc. Trid. qua ca-  
uetur Matrimonia debere contrahi in faciem Ecclesiae, ut  
contrahantur domi, quemadmodum in nostra Ciuitate, & Diçe-  
si inoleuit frequens abusus, ab omnibus personis, nulla habita ex-  
ceptione personarum domi contrahendi; ideo ad tollendos praefatos  
abusus prohibemus Parochis, vel alijs Sacerdotibus, a quibus de-  
bet assisti matrimonijs contrahendis sub pēna ducatorum cen-  
tum, alijsque nostro arbitrio reservatis, ne villo modo assistāt ma-  
trimonijs domi contrahendis absq; nostra licentia in scriptis ob-  
tenta.

*Tertium Decretum.*

**C**um ex dispositione Sacri Conc. Trid. Nuptiae debeant bene-  
dici, & ab aliquibus praetendatur sub praetextu consuetudi-  
nis etiam si alter ex coniugibus alias in primo matrimonio con-  
tracto receperit benedictionem, cum alio coniuge recipere de no-  
uo possit imò, & nonnulli benedictionem in secundo matrimo-  
nio, etiam sub baldachino, seu pallio recipiunt: Nos ad tollendos  
praefatos abusos etiam ex praetensa consuetudine mandamus Pa-  
rochis, vel alijs Sacerdotibus sub pēna suspensionis à diuinis ipso  
facto incurrenda, ne villo modo, audeant similes benedictiones da-  
re, quando alter ex coniugibus in alio matrimonio contracto re-  
ceperit benedictionem, nunquam verò sub pallio, seu baldachino  
sub pēna suspensionis à diuinis.

*Quartum Decretum.*

**M**ultoties dubitari contingit, in qua Parochia fieri debeant  
denunciations matrimoniorum contrahendorum tam  
viri, quam mulieris, scumque in nostra Ciuitate numerosa anima-  
rum facile eueniat, quod cum quampluries matrimonia absque  
denunciationibus; & cum impedimentis dirimentibus male con-  
trahantur ex mutatione, & variatione habitationum, proptereaq;  
non possit haberi cognitio personarum diuersarum. Ut praefatis  
abusibus occurramus; mandamus Parochis sub pēna ducatorum  
quin-

quingenta, alijsque pœnis nostro arbitrio, vt non nisi elapsis quatuor mensibus à die habitationis in propria Parochia non, faciant publicationes, sed hæ fieri debeant in Parochia, à qua discesserint, vnica verò tantum fiat in Parochia, in qua degunt coniuges.

### *De Sacramento Pœnitentiæ.*

#### *Primum Decretum.*

**S**acramentum Pœnitentiæ à quibusdam sub prætextu infirmitatis, vel alterius indispositionis in domibus adhiberi solet, præsertim mulieribus. Quoniam autem cum ingenti nostrorum peccatorum dolore fieri debet, adhuc vt decenter, sicuti par est, fiat; mandamus, vt in Ecclesijs tantum administretur, præterquàm in casibus necessitatis sub pœna quoad Sacerdotes seculares, & Regulares inhabilitatis ipso facto ad alias audiendas confessiones in futurum. Quo verò ad proprios Parochos suspensionis à diuinis ipso facto incurrenda, neue vllus posthac audeat audire, confessiones tam virorum, quàm mulierum in domo absque nostra licentia in scriptis obtenta; exceptis Sacerdotibus, qui tenentur celebrare, vel alia Sacramenta ministrare, & ex causâ integræ confessionis illorum tantum possit audiri confessio, quando aliàs in Ecclesia commodè fieri nequeat.

#### *Secundum Decretum.*

**E**t si aliàs à nobis quamplures facultates impertitæ fuerint tam Sacerdotibus secularibus, quàm Regularibus absoluendi à censuris, & casibus Nobis reseruatis ad certum tempus nondum elapsum, vel ad nostrum beneplacitum, quibus videntur identidè fuisse abusos; ideò illas omnes reuocamus, itaut in futurum nullus ex præfatis Sacerdotibus tam secularibus, quàm Regularibus illa possit vti. Non tamen intendimus per hanc nostram reuocationem comprehendere Pœnitentiares in nostra Metropolitana ad nostrum beneplacitum deputatos, nec Parochos, quibus fuit concessa facultas ad certos casus, nec alios Confessarios in illis tribus casibus, prout in pagella.

#### *Tertium Decretum.*

**C**VM aliàs decretis Synodalibus nostrorum Prædecessorum, fuerit declaratum, concubinariorum casum esse reseruatum; declaramus præfatam reservationem debere intra bimestre, & nō nisi facta separatione quoad thorum, & cohabitationem, vel matrimonio contracto inter eosdem concubinarios, quo casu posse absolui à quibuscumque Confessarijs, ac etiam elapso bimestri à



die separationis quoad thorum, & cohabitationem; nisi tamen fuerint declarati excommunicati in foro exteriori, & tantum nisi habita licentia a nostro Vicario Generali.

*De Vita, & Honestate Clericorum.*

*Decretum Primum.*

**E**Xperientia docet, quod hisce temporibus homines potius penis grauioribus a delictis committendis arcentur, quam monitionibus, & alioquin illis obstari nequeat. Vnde et si Constitutione Synodali nostrorum Prædecessorum fuerit decretum Sacerdotibus, qui duas, vel plures missas eadem die celebrauerint, præterquam in casibus a iure permissis, penam carcerum incurrere. Nos volentes delicta ita grania maioribus penis coercere, decreuimus præfatos Sacerdotes incurrere penam triremium ad septennium, ita ampliando constitutiones nostrorum Prædecessorum.

*Secundum decretum.*

**C**VM ex delatione armorum, præsertim prohibitorum, quæ plura delicta in nostra Ciuitate, & Diœcesi oriri prospeximus; Nos volentes præfatis delictis quantum possumus obuiare, prohibemus Sacerdotibus, alijsque Clericis, & personis Ecclesiasticis sub pena triremium ad septennium delationem archibusciolorum paruorum ignobilibus; nobilibus autem relegationis per idem tempus. Quò verò ad retentionem talium armorum sub pena ducatorum centum quinquaginta in proprijs domibus, & ita reformandas Constitutiones nostrorum Prædecessorum, seu ampliandas respectiue statuimus.

*Tertium decretum.*

**Q**UONIAM decreto sacrarum Rituum prohibetur Sacerdotibus celebrare cum annulis aureis in digitis, ad hoc vt præfatum decretum executioni demandetur, prohibemus sub pena ducatorum sex pro qualibet vice contraueniens prædicto decreto, ac etiam Sacristis permittentibus Sacerdotes celebrare cum annulis aureis in digitis, exceptis tamen habentibus vsum Mitræ, & Baculi, vel alijs ex privilegio Apostolico.

*Quartum decretum.*

**D**ECET vestes benedictas, & sacras non ad alium vsum destinari nisi pro Missæ sacrificio, præsertim albam stolam, manipulum, quibus Sacerdotes vtuntur ad Missæ sacrificium; ideò prohibemus Sacerdotibus, alijsque personis Ecclesiasticis, ne illas accomodent personis secularibus sub pena ducatorum centum, alijsq.

alijsq. nostro arbitrio reſeruatis; ad vſum prophanum pro repræſentationibus, vel choreis; vtentes verò cuiuſuis conditionis exiſtant ad præſatum vſum, ſententiam excommunicationis ipſo facto incurrere decernimus.

*Quintum decretum.*

**I**ndecens valdè eſt, ſi Sacerdotes, vel in ſacris conſtituti, qui diuino muneri ſunt conſecrati, perſonis ſecularibus obſequium præſtent in functionibus Eccleſiaſticis, ideo cùm ad noſtram notiſiam peruenerit, quòd aliqui ipſorum ſuæ dignitatis obliti, induti tunica, dalmatica, vel pluuiali in veſperis, vel Miſſis ſolemni- bus incenſent, ſeu thurificent Magiſtros, vel Gubernatores loco- rum, ſeu Eccleſiarum ſeculares; prohibemus igitur ſub pœna ſuſpenſionis à diuinis ipſo facto incurrenda, ne in futurum id præſtetur, ſed talis thurificatio fiat ab Accolitis, ſeu Clericis.

*De Sepulturis.*

*Primum decretum.*

**L**icet aliàs in libello funeralium decreuerimus funeralia in- telligi debere duplicia, & ita ſolui, quando non ſolùm Re- gulares vocantur ad ea, ſed etiam Clerus quamplurium Eccle- ſiarum Collegiarum, & non certiorati de antiqua, vel imme- morabili conſuetudine, qua Regulares tantùm vocabantur ad fu- neralia duplicia, cenſebantur, & ita ſoluebantur. Volentes nos omnem ſuſpicionem auaritiæ à perſonis Eccleſiaſticis tollere, & conformare nos antiquæ conſuetudini, mandamus ſeruari per- uetuſtum vſum, quo præſcribitur funeralia duplicia vocari, & ſol- ui, quando ad illa vocantur Regulares tantùm.

*Secundum decretum.*

**S**æpè contingit, altercationes incidere circa iura Parochialia pro funeralibus ſoluenda, quando cadauera non in proprijs Parochijs obeunt; ideò ad tollendas omnes diſceptationes, de- cernimus quoties non apparet fuiſſe translatum domicilium in- totum cum propria domo, & familia habitationis, & quando ex improuiſo aliquis obiit in aliena Parochia, nullis ibi receptis Sa- cramentis, iura Parochialia deberi propriæ Parochiæ habitatio- nis, vbi fuit facta electio ſepulturæ, cùm electione non facta ſpe- ctent eadem iura ex antiqua, & immemorabili conſuetudine ad noſtrum Capitulum, & Canonicos, aliquibus verò Sacramentis in aliena Parochia receptis, ſeruandam eſſe conſuetudinem circa iura Parochialia ſoluenda.

*Tertium Decretum.*

**N**onnulli ad fraudanda iura Parochialia, quando cadauera sunt tradenda Ecclesiasticæ sepulturæ, solent illa asportare in curribus quadrigis, vel sedibus absque interuentu proprii Parochi, & sine Cruce. Prohibemus igitur sub pænâ excommunicationis latæ sententiæ quoad deferentes præfata cadauera modis expressis. Quoad Ecclesiarum verò Superiores illa admittentes, quoad personas Ecclesiasticas pænâ ducatorum centum, aliasque nostro arbitrio, &c. seculares verò eandem sententiam excommunicationis incurrant.

*De immunitate Ecclesiæ.*

*Primum Decretum.*

**Q**uoniam in Ecclesijs acclamationes, tumultus, præsertim tempore expositionis Sanctissimi Sacramenti, prohibentur tantò magis mutilationes membrorum, & homicidia, quæ in dies tempore nostri Præsulatus occurrerunt; ideò, vt præfatis delictis obuietur, vltra pænas motu proprio fel. record. Pij V. contentas, contra aliqua ex præfatis delictis committentes in Ecclesijs. Decernimus sententiam excommunicationis latæ sententiæ nobis reservatam incurrere.

*Secundum Decretum.*

**P**ersonæ Ecclesiasticæ omni iurè sunt exemptæ à iurisdictione seculari, etsi igitur còtra Iudices trahètes personas Ecclesiasticas ad forumulare per excommunicationem in Bulla Cænæ legi solitam sit satis prouisum; tamen quoad partes, siuè personas trahentes ad præfatos Iudices personas Ecclesiasticas eisdem notas non videtur planè sancitum; ideò volentes immunitati Ecclesiasticæ sufficienter prouidere, mandamus vt sub pænâ excommunicationis latæ sententiæ nemo, siuè laicus, siuè persona Ecclesiastica, personas Ecclesiasticas ad iudiciumulare, præterquam in casibus à iure permissis trahat; & ita innouamus Constitutiones Synodales nostrorum prædecessorum.

*Tertium Decretum.*

**D**ecet, Ecclesias Dei esse domos orationis, & ab ipsis risus, ac vaniloquia penitus arceri, & multò magis cantus inhonestos, & repræsentationes; ideò prohibemus in Ecclesijs fieri quocumque modo repræsentationes, sub pænâ interdicti Ecclesiæ.

*Quartum Decretum.*

**O**pera in super spiritualia, etiam in locis adiacentibus prohibemus sub pænâ excommunicationis quoad seculares recitan-



tantes, aut Scenarium tenentes, Superiores dictorum locorum permittentes. Quo verò ad personas Ecclesiasticas carcerum per sex menses, & alijs nostro arbitrio reservatis: extra verò dicta loca, nisi reuideantur à personis deputandis à Nobis, & nonnisi cū licentia in scriptis à Nobis, vel à Nostro Vicario Generali recitentur sub eisdem panis.

#### *De præcepto Ecclesiæ.*

**C**VM ex præcepto Ecclesiæ teneantur fideles semel in anno in Paschate communicare, & inoleuerit abusus, vt in Oratorijs priuatis, aut in Ecclesijs Regularium communicare nonnulli audeant, quibus nulla imminet cura animarum, prætendentes ita præcepto Ecclesiæ satisfacere. Volentes tales abusus tollere, declaramus nostra præsentī Constitutione Synodali, nullo modo satisfieri præcepto Ecclesiæ, nisi communicando in Ecclesia propria Parochiali à proprio Parocho, vel de eius licentiā in eadem Ecclesia Parochiali ab alio Sacerdote deputato per proprium Parochum, vel in nostra Ecclesia Metropolitana. Prohibemus etiam Parochis ne licentiam contra hanc Constitutionem concedant sub pænā suspensionis à Diuinis ipso facto incurrenda, præterquam in casu necessitatis. Declarantes, Sacerdotes celebrantes non comprehendi sub hac prohibitionē.

#### *De Iudiciis.*

**C**VM aliās in nostra Synodo Diocesana decreuimus, apocis Bancorum dari viam executiuam, quatenus tamen summa ducatorum viginti non excederet. Quoniam verò experientia comprobauimus emergere identidem hinc quamplures lites, & partes expensis grauari pro exactione eorum crediti; illam ampliando dicimus, etiam competere viam executiuam, quando non excedit summam ducatorum quinquaginta: quando verò excedit summam ducatorum quinquaginta, debere agi via ordinaria.

#### *De Monialibus.*

##### *Primum decretum.*

**Q**UONIAM in nostra vocatione generali Monialium reperiuntur quamplures Abbatissas nullam reddidisse rationem, vel computum earum administrationis, ex quo bona Monasteriorum facile dilapidari comperimus: ideo quantum possumus; talibus inconuenientibus occurrere intendentes, vt panis arceantur à mala administratione, mandamus sub pænā priuationis vocis actiue, & passiuæ, & inhabilitatis in perpetuum ad similia officia, vt Abbatissa, seu Priorissa intra sex menses post diuinitum

officium teneantur reddere rationes, vel cōplētum earum ad-  
ministrationis. Illis verò redditis, si appareant debitorum, sint in-  
habiles ad eadem officia, nisi reintegrato Monasterio pro debito  
completo.

*Secundum decretum.*

**N**on debet amplius Abbatissa, seu Priorissa, finita admini-  
stratione se ingerere in exactione bonorum eiusdem Mo-  
nasterij, prout omnia iura clamant, cumque inoleuerit abusus sub  
prætextu crediti præteritæ suæ administrationis, Abbatissam, quæ  
iam absoluit tempus sui regiminis se ingerere in exactione bono-  
rum Monasterij, ideò prohibemus omnibus Abbatissis, seu Prio-  
rissis sub pœna priuationis vocis actiue, & passiuæ, ne absoluto of-  
ficio amplius se ingerant in exactione crediti Monasterij, & simi-  
liter, nec Abbatissa pro tempore permittat easdem exactiones fieri  
sub eisdem pœnis.

*Tertium decretum.*

**Q**uampluribus Decretis Sacræ Congregationis Episcoporum,  
& Regularium fuit decretum mulieres non debere admit-  
ti nullius Religionis, vulgo Bizochas nuncupatas, nisi habeant  
quamplurima requisita: prout in dictis decretis, easque etiam ad-  
missas, nullo modo permitti ad portandum subcannum, quod  
vulgo vocant, seu velamen, quod tantum Monialibus professis  
conceditur, & nihilominus per Ciuitatem videntur illud asportare;  
Nos volentes talibus abusibus obuiare, prohibemus sub pœna  
excommunicationis latæ sententiæ nobis reseruati ne deinceps  
deferant præfatum subcannum, seu velamen ad instar Monialium  
degentium in Monasterijs.

*De Oratorijs priuatis.*

**A**lias Sacra Congregatione Ricum declarauit non licere ce-  
lebrari in Oratorijs priuatis in quibusdam festis solemnio-  
ribus, v. g. Festo Natiuitatis Domini, Epiphaniæ, & Annunciationis  
B. Mariæ Virg. Paschæ Resurrectionis, Pentecostes, Assumptionis  
B. V. Sanctiss. Petri, & Pauli, & Omnium Sanctorum; Quoniam ve-  
rò sunt quamplura Oratoria in Ciuitate, & Diœcesi, mandamus  
etiam in Festo Circumcisionis, & Ascensionis Domini, Corporis  
Christi, S. Ioseph, & S. Ioannis Baptiste sub pœna reuocationis li-  
centiæ habitæ, in dictis festis in Oratorijs priuatis celebrari ne-  
quaquam posse.

*De Veneratione Sanctorum.*

**C**um nouissima Constitutione Urbani Octauī innouētur Decreta Sacri Concilij Tridentini, quibus cauetur, ne quis teneat, aut publicē exponat Sacras imagines alijs vestibus, & forma indutas, quam Catholica Ecclesia antiquitus consuevit, neque eas vestiant habitu peculiari alicuius Religionis regularis; præterea ne profanæ picturæ, aut sculpturæ in Ecclesijs, earumque fronspicijs, vel atrijs exponantur; Nos ut prædicta decreta executioni demandentur, mandamus, etiam tanquam Sedis Apostolicæ delegati, & præcipimus omnibus, & singulis personis, cuiusq; gradus, & conditionis existant, tam secularibus, quàm Regularibus vtriusque sexus quomodolibet exemptis etiam Sedi Apostolicæ immediatē subiectis, Decreta iam dicta, & motus proprios Urbani Octauī inuiolabiliter obseruari sub pœna excommunicationis, alijsque nostro arbitrio reservatis.

*De Libris imprimendis.*

*Primum Decretum.*

**E**t si Constitutionibus nostrorum prædecessorum alias erat cautum non debere libros imprimi, nisi prius reuideantur à Nobis, vel à nostro Vicario Generali deputatis; cum ex illorum impressione absque reuisione quamplura damna Ecclesiæ inferri consueuerint. Ideo volentes talibus damnis, quoad fieri potest obuiare mandamus sub pœna excommunicationis latæ sententiæ, ne vllus audeat imprimere libros, nisi prius reuideantur de nostro, vel Vicarij Generalis ordine, & registrantur prius à nostro Theologo.

*Secundum decretum.*

**E**xperientia probauimus quamplures libros esse introductos in nostra Ciuitate, qui non solum continent errores contra bonos mores, sed etiam contra fidem Catholicam, & esse prohibitos in prima, vel secunda classe, &c. & volentes Nos quantum possumus præfatis delictis obuiare, & remedia necessaria, atque opportuna exhibere; mandamus sub pœna excommunicationis latæ sententiæ Nobis seruata, ne vllus audeat cuiuscunque conditionis existat consignare libros introductos in Ciuitate, seu illos extrahere extra Ciuitatē, nisi prius reuideantur à nostro Theologo, vel à deputatis: & sub eadem pœna excommunicationis non liceat Bibliopolis emere bibliothecas, nisi prius consignata, & reuisa lista à nostro Theologo, vel à Nobis, vel à nostro Vicario Generali deputatis, seu deputandis.



*Tertium decretum.*

**C**VM in nostra Ciuitate omnes Presbyteri tam de Regno, quam etiam extra Regnum, vt plurimum inquisiti, ac etiā condemnati ab eorum Ordinarijs de facto in nostra Ciuitate celebrare præsumant, etiam quod peius est, irreciti censuris; Volentes talibus abysibus prouidere, mandamus omnibus Sacris, & alijs Præpositis Ecclesiarum sub pænâ ducatorum sex; vt ne quæquam Presbyterum admittant ad celebrandum, nisi habeant à Nobis, vel à nostro Vicario Generali licentiā in scriptis obrentam cum literis dimissorialibus proprii Ordinarij, illisq. in actis nostræ Curie recognitis: Presbyteros externos celebrantes vltra pænâ suspensionis à diuinis, pænâ carceris formalis per sex menses, & duplicationis solutionis Pastor bonus, &c. aliaq. nostro arbitrio incurrere decernimus. Innouantes in hoc Constitutiones Synodales nostrorum prædecessorum, &c.

Et statim rogauit Synodum dicens. Placent ne vobis Admod. RR. Domini Canonici, & Capitulum, Abbates, Rectores, Parochi, & tota Synodus dicta decreta, & responderunt. Placent.

**In Synodo Diocesana habita Neapoli die 4.  
mensis Maij anno 1646.**

*De Immunitate Ecclesie.*

*Primum Decretum.*

**C**VM aliàs ex nostris Constitutionibus Synodalibus fuerit prouisum contra eos, qui immemores propriæ salutis non verentur locis sacris reuerentiam denegare, imò & homicidia, & mutilationes membrorum in Ecclesijs, & Cæmeteriis delicta, audent tam grania perpetrare, excommunicationem ipso facto incurrere decernimus, non tantum prædictos delinquentes, vt iā dictum est, sed etiam in eandem incidere eos, qui præfata delicta committunt in locis adiacentibus Ecclesiæ, & immunibus.

*De Cultu Ecclesiastico.*

*Secundum Decretum.*

**Q**uanta sit exhibenda reuerentia Sanctissimo Sacramento Eucharistiæ omnibus planè fidelibus notum est, non tamen ob id desunt, qui cum nostra licentiā ex causa legitima à Nobis approbata illud exponunt; facere autem hoc audent ante Solis ortum, & post eius occasum reponunt. Quapropter ad nostras au-  
res

res peruenit in hisce temporibus quamplura graua committi  
facinora maximo populi scādalo: Ideò Nos ad hos excessus, quo  
par est corrigendos, Sacerdotes, qui præsunt Ecclesijs ducatorum  
centum, aliisque nostro arbitrio pænīs reseruatis subiicimus, Re-  
gulares, & Administratores secularium Ecclesiarum, sicut & Ec-  
clesias Regularium Interdicto subiicimus, non secus, ac iis, qui  
exponunt ante Solis ortum Sanctissimum Sacramentum, & non  
subducunt ante Solis occasum, eandem pænam infligimus.

*Tertium Decretum.*

**E**tsi aliàs à nostris Prædecessoribus fuerit prohibeant, in diui-  
nis Officiis, & Missarum celebrationibus, aliisque sacris actio-  
nibus in Ecclesiis faciendis immiscendos non esse cantus inho-  
restos, & impuros sonos, nec non elogia, odas, seu cuiusvis generis  
carmina quantumuis pia in Missali Romano, Breuiario, & Ritua-  
li, ac Pontificali non contenta, præcipue contra decreta Sacri Co-  
cilij Tridentini, quodque peius est etiam Orationis quadraginta  
horarum tempore, expositionumque Sanctissimi Sacramenti sa-  
penumero ludi crastina decantantur, illas igitur sanctiones reno-  
uantes, quatenus opus sit quoad Cantores, & Musicos pænam  
excommunicationis ipso facto incurri volumus; quoad Ecclesias  
pænam interdictæ Ecclesiæ.

*Quartum Decretum.*

**N**ON desunt Sacerdotes, qui immemores constitutionum à  
nostris Prædecessoribus editarum post repositionem san-  
ctissimi Sacramenti in feria quinta Cænæ Domini, Clauēs Sanctis-  
simi tradunt Administratoribus laicis Ecclesiarum contra Cere-  
moniale Romanum: Nos illas igitur confirmantes, statumus, ut  
posteriorum clauēs prædictas statim post dictam repositionem Sa-  
cerdoti in crastinum celebraturo, vel Sacrificæ Ecclesiæ, qui sit in  
ordine Sacerdotis constituto tradendas, & in Monasterijs Monia-  
litum idem seruandum esse, nec Abbatissæ, vel Sacrificanis dictorum  
Monasteriorum clauēs prædictas tradi posse; Secus verò facientes,  
runt Sacerdotes, quàm Laicos Administratores Ecclesiarum, &  
Abbatissam, & Sacrificanas in sententiam excommunicationis ip-  
so facto incidere; Ecclesias verò Ecclesiasticas Interdicto subiici  
mandamus.

*De Matrimonio nite contrahendo.*

*Quintum, & sextum decretum.*

**Q**uandoque Parochia admittunt sponsores ad matrimonia con-  
trahenda etiam elapso dimissis post publicationes, non ob-

stantibus Constitutionibus Synodalibus nostrorum Prædecessorum, quas renouantes, adiicimus penam ducatorum centum, aliasque nostro arbitrio, &c. contra eosdem Parochos, vel alios Sacerdotes, quibus cura animarum incumbit, admittentes, spon-  
fos ad præfata matrimonia contrahenda, elapso biimestri post pu-  
blicationes, nisi ex causa fuerit dispensatum.

*De Sepulturis.*

*Septimum decretum.*

**L**icet alijs à nostrorum prædecessorum Constitutionibus Synodalibus sancitum sit Ecclesiarum pauimenta non debere rumpi ad effectum cadauera sepeliendi exceptis ex sepulturis; Igitur quia decreta tam rationabilia videntur in desuetudinem abiisse, illa renouantes mandamus sub pena ducatorum centum alijsq; &c. personis Ecclesiasticis, ne vlllo modo permittant pauimenta intercedi absque nostra licentia; Administratoribus verò laicis quoad eorundem Ecclesias præquam interdicti commina-  
mus.

*De administratione Sacramentorum.*

*Octauum Decretum.*

**A**d tollendas alterationes, ac scandala, quæ oriri solent inter Parochos nostræ Diœcesis, & Sacerdotes, in Ecclesijs, vel Oratorijs Confraternitatum quoad tempus celebrationis Missarum, Præcipimus vt duabus horis post ortum Solis Parochi celebrare debeant, vt populus ad auscultationem mitius accedere valeat, nullusque Sacerdos ante celebrare possit, nisi de consensu Parochi; Exceptis temporibus messis, & vindemiæ sub pena centum librarum cera, alijsq; &c.

*Nonum Decretum.*

**S**acramenta non solum à Parochis, sed etiam ab alijs Sacerdotibus administranda esse gratis, planè omnia iura clamant, quamuis non desint Sacerdotes qui propriæ salutis immemores pecuniam propter illorum administrationem extorquent, idque etiam à nostris Prædecessoribus, quamplurimis Constitutionibus Synodalibus prohibitum fuerit, adhuc tamen videmus Parochos, eorumque substitutos, seu coadiutores in publicandis matrimonijs non vereri aliquam pecuniam exigere; ideò mandamus sub pena ducatorum centum, alijsque nostro arbitrio reservatis, ne pro publicationibus matrimoniorum nec directè, nec indirectè pecuniam aliquam exigere præsumant. Quò verò ad attestationes publicationum matrimoniorum in scriptis redigendas, vo-



lunus. seruari alias Constitutiones ab eisdem Archiepiscopis  
prædecessoribus emanatas.

*De Monialibus.*

*Decimum decretum.*

**C**VM aliàs ex Decretis Congregationis Episcoporum, & Regularium cautum sit, in Monasterijs Monialium assignandū esse locum distinctum pro educandis, nec posse educandas pernoctare in cellis, seu domibus Monialium professorum, vel novitiarum, seu aliarum mulierum degentium de licentia Sedis Apostolicæ in eisdem Monasterijs. Ideo ad obuiandum præfatis excessibus, & pro obseruatione eorundem decretorum Sacræ Congregationis, vt saltem pœnis spiritualibus corripiantur, mandamus ne in posterum sub pœna excommunicationis vlla Monialis professa, vel novitia, aut mulier degens in Monasterio admittat ad pernoctandum, seu dormiendum in earundem cellis, seu domibus aliquam ex educandis.

*Vndecimum decretum.*

**C**VM ex varijs Constitutionibus Summorum Pontificum prouisum sit, nemini licere cuiusvis conditionis existat, ingredi septa Monialium, nisi in casibus necessitatis earundem, vel degentium in Monasterijs, & tunc nisi cum licentiâ in scriptis ab Ordinario loci, & in Monasterijs exemptis, etiâ adhibita licentiâ earundem Superiorum respectiue, & Ordinarij loci, non obstante quacumque consuetudine immemorabili, alioquin transgressores, qui sine licentiâ ingredi præsumperint vt supra, pœnas, & censuras Ecclesiasticas Sedi Apostolicæ reseruatæ incurrere declaramus.

*Duodecimum decretum.*

**E**Xperientia docuit Moniales pro Sacristanis deputatas in Monasterijs maximas expensas erogare, & superfluas, ac neque necessarias pro cultu diuino. Hinc pro nostro pastoralis officio prohibemus omnibus Monialibus Nobis subiectis deputatis pro Sacristanis non posse expendere ad Sacristæ munus exercendum, nisi pecuniam à Monasterijs assignatam sub pœna excommunicationis, vel saltem de consensu Abbatisse, seu Priorisse, etiâ pecuniam eisdem debitam pro vitalitio, & multò minus pecuniam de communibus redditibus Monasterij, & Communitatis.

*Tertiumdecimum decretum.*

**Q**UONIAM à nostris prædecessoribus, etiâ in Concilio Provinciali prohibitum fuit Monialibus comedias, aliasque

pias, vel sacras exhibitiones representare, nec personatum agere, etiam relaxandi animi causa, nec vlllo vnquam tempore secularē, nec virilem, nec laicarum mulierū habitum induere: & quia in illis nulla pœna apposita videtur, propter quod non demandantur dicta decreta executioni. Propterea Nos vt præfatis excessibus provideatur, confirmantes præfatas sanctiones pariam adiuvimus sententiæ excommunicationis ipso facto incutrendæ contra Moniales isthac transgredientes.

*De Sacramento Pœnitentiæ.*

*Quartumdecimum decretum.*

**E**X Decreto Sacri Concilij Tridentini cautum est Ordinarijs locorum atrociora crimina referenda pro absolutione, et tunc magis adijciendam pœnam excommunicationis ad eadē enormia flagitia coercenda. Cum igitur à nostris prædecessoribus in Constitutionibus Synodalibus sententiæ excommunicationis lata sit contra sponfos ante contractum matrimonium, sponfas carnaliter cognoscentes, ac etiam eandem excommunicationem reservatam contrahere statutum sit cappones administrantes mulieres in eorum hospitij: Nos easdem reſocamus, ac reducimus ad terminos iuris communis.

*Quintumdecimum decretum.*

**C**VM ex decretis Sacri Concilij Tridentini cautum sit neminem nec Sacerdotem secularem, nec Regularem esse habitū, & idoneum ad audiendas confessiones personarum secularium, nisi prævia approbatione ab Ordinarijs locorum, alioquin confessiones esse nullas, & inuvalidas. Nihilominus nonnulli Sacerdotes immemores propriæ salutis audeant audire cōfessiones absq. approbatione: idē nostrum pastoralis officio præfatis excessibus remedia adhibere cupientes, vt saltem pœnis corripiantur, mandamus sub pœna carceris per biennium quoad Presbyteros seculares, alijq. &c. Quo verō ad Regulares etiam ad pœnam censurarum procedemus contra transgressores audientes confessiones personarum secularium absq. nostra approbatione.

*Decimumsextum decretum.*

**D**eclarantes insuper omnes gratias à Nobis oretenus concessas effectum non secutas, esse reuocatas, & quatenus opus sit, illas denuō reuocamus, ac etiam statuimus, quod omnes facultates aliās à Nobis concessæ, vel in futurum concedendæ pro absolutione à censuris, vel à casibus Nobis reservatis non intelligantur concessæ facultates absoluedi à censuris incursis, & incur-

rendis propter allocutionem cum Monialibus de rebus obscenis, vel cum tactibus impudicis, nec dispensandi super irregularitate, vel voti commutandi, neque absolendi à censuris in Bulla Cenzæ Domini, nec ab infra scriptis censuris extra Bullam, v3. ingredientiens septa Monialium ac malum finem, duellistæ, percussiones graves in personas Ecclesiasticas iuxta censuras reservatas Sedi Apostolicæ, Violatores immunitatis Ecclesiæ, ob extractionem confugientium liberè ad Ecclesias, & alia loca immunita, nec absolendi à censuris occasione simoniæ realis, vel confidentialis, nec subdelegandi facultatem eisdem concessam à censuris, & casibus Nobis reservatis, alijs Sacerdotibus, etiam Regularibus, nisi illis tantum, qui à deputato Penitentiariorum nostræ Ecclesiæ fuerint vocati in eorumdem adiutorium certis diebus in nostra Ecclesia Cathedrali tantum, & non alias.

De Hebdomade sancte abusibus.

Decimūmseptimūm decretum:

**Q**uoniam ex alijs Constitutionibus Synodalibus nostrorum prædecessorum erat iam prouisum circa abusum Hebdomadæ sanctæ, & iam non videntur observari constitutiones prædictæ, & ideo de nouo mandamus, ne quis habitum penitentiæ induat ab Ecclesiastica disciplina alienum sub pena excommunicationis ipso facto incurrenda. Præcipimus etiam talem sanctum adhiberi vestem de lino, & communi nullo prorsus ornamento addito, ad ædificationem populorum, ut par est composito, & per eos dies valdè congruo.

Decimum octavum decretum:

**L**icet aliis à nostris prædecessoribus etiam ex Constitutione Synodali fuerit prohibitum sub pœna interdicti Ecclesiæ, seu Oratorii ipso facto incurrenda choreas, seu ludos puerorum in processionibus Angelorum, seu Sanctorum veste indutorum, nec sacra misceantur profanis, quod apud Nos inuicatum est, & notum; illi verò censeantur tantum obligari ad processiones, qui in edicto, quod ante illas edi solet nominabuntur, ideò Nos illas renovamus, easque inuiolabiliter seruari mandamus.

A. Card. Philamarinus Archiepiscop. Neap.



In Synodo Diocesana habita Neapol. die septi-  
ma mensis Maij Anno 1649.

*Primum Decretum.*

**L**icet à Nobis aliquoties concedatur facultas Episcopis exer-  
cendi Pontificalia ad effectum conferendi Ordines in no-  
stra Ciuitate, vel Diœcesi, & seruata forma Pontificalis Romani,  
nonnisi in Ecclesijs publicis conferri debent; Nihilominus quia  
ordinandi solent recipere præfatos ordines in Ecclesijs Monia-  
lium, & in Oratorijs priuatis domorum. Ideò ad tollendos præ-  
fatos abusus, mandamus in posterum vt facultates à Nobis con-  
cedenda exercendi Pontificalia ad effectum prædictum, intelligā-  
tur, dummodo Ordines sacri nullo modo recipiantur in Ecclesijs  
Monialium, & in Oratorijs priuatis: Alioquin contraueniens  
sint suspensi ipso facto ab executione Ordinum sic susceptorum:  
sub hac autem prohibitione nolumus comprehendere initiandos  
prima Tonsura, & quatuor minoribus Ordinibus.

*Secundum decretum.*

**Q**uoniam seruata forma Ritualis Romani, nullus Sacerdos  
cuiuscumque gradus, & conditionis existat, potest celebra-  
re Missam, vel alia diuina cum sedibus, & apparatu sollemni, &  
tamen irrepsit abusus ab aliquibus ita celebrandi, Nosque edicto  
particulari id expresse prohibuimus. Nunc dehuò ad tollendas  
difficultates mandamus, vt nullus Sacerdos, etiam si sint Cano-  
nici nostræ Ecclesiæ Cathedralis, possit habere in Ecclesia sedes  
cum apparatu ad effectum celebrandi sollemniter, vel alia officia  
diuina peragenda, sub pena ducatorum centum pro qualibet vi-  
ce, alijsque penis nostro arbitrio reseruatis; exceptis ijs, qui ha-  
bent vsu Pontificalium, ex priuilegio Apostolico.

*Tertium decretum.*

**C**VM ex decreto Sacri Concilij Tridentini sess. 23. cap. 15. de  
reformat. cautum sit, Sacerdotes tam seculares, quam Re-  
gulares non obtinentes Ecclesias Parochiales absque Ordinarij  
approbatione, & facultate, non posse confessiones secularium au-  
dire, non obstantibus quibuscumque priuilegijs, & consuetudini-  
bus, etiam immemorabilibus. Huic decreto Sacri Concilij Tride-  
ntini inhaerendo, ac etiam declarationi Congregationis Eminentis-  
simorum DD. Cardinalium Sacri Concilij Interpretum, manda-

mus sub pœna carceris formalis arbitrio nostro, ac etiam excommunicationis quoad Regulares, ex decreto Sacre Congregationis super negotijs Episcoporum, & Regularium vt nullus Sacerdos tam secularis, quàm Regularis audeat absque nostra licentia audire confessiones secularium, & ita innouandas Constitutiones Synodales alias editas à nostris prædecessoribus, & quatenus opus sit, de nouo confirmandas decernimus.

*Quartum decretum.*

**Q**uia ex dispositione Sacrorum Canonum statutum est neminem posse baptizari domi, exceptis filiis Regum; tamen cum inuenerit abusus in nostra Ciuitate, & Diœcesi, quod à Parochis, vel ab alijs Sacerdotibus curam animarum habentibus baptizandi domi, deo ad tollendos præfatos abusus, mandamus sub pœna ducatorum centum locis pijs applicandis, & in subsidium suspensionis à diuinis, vt nullus Parochus, vel Sacerdos audeat domi baptizare, nisi in articulo, aut periculo mortis.

*Quintum decretum.*

**E**X Constitutionibus nostrorum Prædecessorum statutum est, prouisos de beneficijs, confratantijs nuncupatis debere residere in nostra Ciuitate, vel Diœcesi, ad hoc vt munus eisdem incumbens possint per se ipsos adimplere. Igitur iisdem Constitutionibus inherendo statuimus, quod si ultra annum absque nostra licentia in scriptis absuerint, primum per edictum citandi, deinde si non comparuerint, iisdem Confratantijs priuandi erunt; Reiectoque abusu non residendi, & per alios inferuendi, innouatis Constitutionibus à prædictis, mandamus etiam Cellariis, ne partem distribuunt, vel faciant dictis Confratribus absentibus sub pœna ducatorum sex locis pijs toties, quoties. Exceptis iis, quibus ex priuilegio Apostolico concessum est per alios inferuire, vel alias legitime impeditis.

*Sextum decretum.*

**E**t si à nostris Prædecessoribus in alijs Synodis Diœcesanis cautum sit, neminem finito anno Cellariatus posse iterum immediate eligi, seu confirmari absque nostra in scriptis licentia, & sic ab omnibus Ecclesijs, & Collegiis sub pœnis nullitatis electionis debere obseruari. Idque volumus omnino seruari, etiam in nostra Cathedrali tam à RR. Canonicis, quàm ab Hebdomadarijs, & Mansionarijs eiusdem sub iam dictis pœnis, & alijs nostro arbitrio reservatis.

*Septimum Decretum.*

**N**ulli Rectori, seu Parocho liceat cadauera tradere Ecclesiasticæ sepulturæ, nisi in Ecclesia, in qua fuit à defunctis electa seruata forma aliarum Constitutionum Synodaliū à nostris Prædecessoribus emanatarum, sub pœna centum librarum, cetera in casu contrauentionis, nisi reuelante Ecclesia electa, & ex aliqua legitima causa à nostra Curia approbata, talis recusatio, seu oppositio admittatur, & tunc nihil præter iura parochialia ab eisdem exigatur, sub eisdem pœnis. Vnde præfatas Constitutiones innouandas, & quatenus opus sit, confirmandas decernimus.

*Octauum decretum.*

**D**ecreta aliàs edita in præcedencibus Synodis à Nobis, vel Prædecessoribus nostris circa modum seruandum in funeribus fidelium associandis, eorundemque corporibus pie sepeliendis, præsertim ne id fiat in quadrigis, seu curribus, vel sedibus gestatorijs, alioque quouis modo non visitato ab Ecclesia, & absque interuentu Parochi, siue absque funeralibus de nouo, quatenus opus sit, renouamus, & mandamus inuiolabiliter obseruari, sub pœnis in eisdem Decretis contentis, alijsque nostro arbitrio reſeruatis.

*Nonum decretum.*

**E**leemosyna, quæ ob funus datur, non initiare, vel populo spectante, sed in loco separato, & remoto peractis exequijs, iuxta alias Constitutiones Synodales à nostris Prædecessoribus emanatas à Cellulario distribuatur, quas Constitutiones hoc nostro decreto roboramus, & innouamus: præcipientes ne de diuisione faciendâ in itinere aliquo modo disceptetur, sub pœna ducatorum sex, alijsque nostro arbitrio reſeruatis.

*Decimum decretum.*

**I**n super sub pœna priuationis ab officio, & beneficio prohibemus, ne quis Cõfrater, aut Porcionarius, vel Clericus, seu Diaconus, locet, aut conducat ad quodcumque tempus, etiam breue Fratantias, vel Diaconatus pro sepeliendis, vel associandis mortuis, vel quod etiam ius sepulturæ vocant, decernentes huiusmodi illicitis locationis, & conductionis contractus, nullos, irritos, & inanes esse: pecunias propterea solutas, & soluendas applicandas esse in reparationem, vel necessitatem Ecclesiæ Parochialis, vel aliàs arbitrio nostro: innouantes, & confirmantes quatenus opus sit, Constitutiones à nostris Prædecessoribus super his emanatas.



*Vndecimum decretum.*

**R**ectores, vel Sacrificæ Ecclesiarum, vel Cappellarum nostræ Ciuitatis, vel Diœcesis nullo modo admittant Cappellanos ordinarios, vel extraordinarios pro celebratione missarum absque nostra licentia in scriptis obtenta, sub pœna librarum centum, ceræ laboratæ, & in subsidium suspensionis à diuinis. Idemque, intelligatur de Magistris, seu Gubernatoribus quarumvis Ecclesiarum, vel Cappellarum, sub pœna interdicti ipso facto incurrenda quoad eorum Ecclesias, Cappellas, seu Oratoria, & sic Constitutiones Synodales nostrorum Prædecessorum renouantes obseruari mandamus.

*Duodecimum decretum.*

**Q**uoniam ex tempore immemorabili nostræ Ecclesiæ Metropolitanæ solui debet ius Cathedraticum, seu Synodaticum, quod Pastor bonus nuncupatur tam à Parochis nostræ Ciuitatis, vel Diœcesis, alijsque Sacerdotibus, qui seruitijs Ecclesiarum pro Cappellanis ordinarijs, vel extraordinarijs, & missas cum stipendio celebrant, & iuxta dictam consuetudinem prima Dominica Maij, quæ olim Synodus S. Ianuarii nuncupabatur, à prædictis omnibus soluendum esse decernimus sub pœna dupli, & in subsidium suspensionis à diuinis; exceptis iis, qui à Sede Apostolica, vel à nostris Prædecessoribus à dicto onere hætenus exempti reperiuntur, eorumdem Prædecessorum nostrorum Constitutiones in hac parte innouamus, & quatenus opus sit, confirmamus.

*Decimumtertium decretum.*

**P**ræsenti decreto innouamus statutum Sacrorum Canonum, Pac nouissimè Sacri Concilii Tridentini, quo decernitur, Reliquias Sanctorum nullo modo posse exponi à populo, venerandas etiam in Ecclesiis exemptis, nisi à nobis, vel à nostra Curia primum recognitas, & approbatas, sub pœna Interdicti, etiam quoad Ecclesias exemptas; imò contra inobedientes procedetur ad alias pœnas nostro arbitrio reservatas.

*Decimumquartum decretum.*

**C**lerici in minoribus Ordinibus constituti, qui post promotionem habitum abiecerunt, vel vxorem vnicam, & virginem duxerunt, vel militiæ adscripti actu inseruiuerunt, absque nostra licentia habitum Clericalem modo nullo iterum reassument sub pœna carceris, alijsque nostro arbitrio reservatis. Non tamen intendimus per hoc declarare, de facto reassumentium priuilegijs, quæ fortè illis competunt, in aliquo derogare.

*Decimumquintum decretum.*

**C**VM ex nostris Constitutionibus cautum sit, apocas personis Ecclesiasticis directas Bancelis, non excedentes summam ducatorum quinquaginta debere habere executionem paratam. At quia aliqui contra dictam Constitutionem prætendunt diuidere maiorem quantitatem debitam per apocas in petitione, ad hoc ut sit locus executioni paratæ. Nos ad recidendas lites, & ad euitandas fraudes, declaramus in casu solutionis factæ pro residuo, non tamen excedente summam ducatorum quinquaginta, debere habere executionem paratam, non autem pro diuisione faciendâ a creditore; & ita declaramus, & obseruandum mandamus, & quatenus opus sit, nostras Constitutiones Synodales confirmamus.

*Decretum decimum sextum.*

**E**X Decretis sacrorum Canonum sancitum est, vestes sacras pro cultu diuino, & sacrificio Missæ destinatas, debere delectare tantum pro constitutis in Ordinibus sacris; cumque percrebuerit abusus, ut illis etiam Clerici in Ecclesijs pro functionibus sacris utantur. Ideo ad tollendos præfatos abusus, mandamus in posterum sacristis, vel alijs Rectoribus, seu Præfatis Ecclesiarum sub pænâ ducatorum sex, alijsque nostro arbitrio, ne permittant dictos Clericos talibus vestibus sacris uti in Ecclesijs pro functionibus Ecclesiasticis; & sub eadem pænâ præcipimus, ne dicti Clerici illis utantur, alijsque panis nostro arbitrio reseruatis.

*De vita, & honestate Monialium.*

*Compendiosa Institutio.*

**C**VM mulier innupta, & virgo ( ut inquit Apostolus ) cogitet quæ Domini sunt, ut sit sancta corpore, & spiritu; Sanctimonialia, quæ ipsius Domini nostri Iesu Christi peculiare sponsæ sunt, nihil præter sponsum diligere, vel cogitare, nec in rebus vllis, nisi in eo cunctas delicias collocare debet. Hinc est, quod nos nonnulla, quæ in ipsarum Sanctimonialium uisitatione, & reformatione Monasteriorum curanda, & prouidenda animaduertimus, nunc pro earum honestate, & sanctitate custodienda, duximus memoranda, & obseruanda.

*Primo.*

**I**N priuis ut suæ professionis, votorum, ac sponsonis semper meminerint, ut omnem occasionem, ne primam fidem Christo dilecto ipsarum sponso præstent irritam faciant, habentes dam-

damnationem; sed pudicitiam, quam Deo vouerunt illibatam, integerrimamque conseruent, nullas noxias, aut obscenas cogitationes admittant, ne Dei Numen, quod vbique præsens est, Angelosque earum custodes offendant; scientes, quod oculi Domini contemplantur bonos, & malos.

*Secundo.*

**D**Einde Abbatissis, Priorissis, earumque Superioribus omnem reuerentiam, & obedientiam promptè exhibeant, & ad nutum pareant, nec illarum mandatis duras, difficiles, aut morosas se præsent.

*Tertio.*

**S**ACRAMENTA frequentent, & in Choro sollicitas, & deuotas tam in nocturnis vigilijs, quam in alijs diurnis horis decantandis se gerant, & in oratione frequentes, non remissæ, sed seruènt meditationibus, sacrorum librorum lectioni vacent, & nullos libros vanos legant. Sperent (inquit ille) in Deum, insistent in orationibus, & obsecrationibus die, ac nocte.

*Quarto.*

**M**ANIBUS, suis (vt eas tentator semper aliquid facientes inueniat occupatas, operentur) sed vt opera seria, & vtilia, non vana, vel indecentia, aut parum honesta faciant, construunt, ac acu laborent; non auaræ, nec cupidæ, nec turpe lucrum sectantes.

*Quinto.*

**H**VMILES, & deuotas, non inquietas, aut clamorosas, nec querulas, non contentiosas, sed mites, patientes, obedièntes, placidas, ac compositis moribus omnibus præferant.

*Sexto.*

**M**VMURATIONES, susurrations, detractiones, cachinnos vitent: nam reliquas mulieres Apostolus docet pudicas, non detrahentes, sobrias, & fideles in omnibus esse oportere.

*Septimo.*

**E**T vt ipsarum modestia omnibus nota sit, ab omni fuce, & corporis ornatu, capillorum, & capitis concinnitate, & curioso habitu, delicatis vestibus, earum elegantia, quæ nec etiam, seculares mulieres decet, iuxta Apostolicam institutionem, necnō inuerecundo gestu, odoribus, vnguentis, & speculis abstineant, sed soli Deo, cui se desponderunt placere, studeant in ipsius, & proximi charitate perseverantes.



*Octauo.*

**C**ellas semper apertas, & paupertati, quam professæ sunt, consentaneas cum Christi, & Sanctorum imaginibus, non topiario opere fabricatas, celatas, aut deauratas, non sericeis, non tapetibus paratas, non vanis picturis, non impuris, aut profanis hominum imaginibus, vel aliàs indecenter ornatas, nec inanem, inutilem, aut superfluum supellectilem habeant, vt exterior cultus per omnia interiori respondeat.

*Nono.*

**N**ihil omnino proprii vnquam retineant, sed omnem proprietatem velut abominationem exhorreant, nec aliquid emere, vel vendere absque earum Monasterij Superioris licentia audeant, sinè præsumant.

*Decimo.*

**S**pectas conuersationes, & secretas confabulationes caueant, nec sint otiosæ, verbosæ, curiosæ loquentes quæ non oportet cum nullo etiam coniuncto sine suæ Abbatisæ, seu Priorisæ licentia audeant miscere sermones, & hos nisi in Rota, vel ante Crates, seu Cancellos ferreos, vel abductu vultu dimisso, vt honestæ, ac humiles in colloquijs appareant præsentem præsentem Abbatisæ, seu Priorisæ, aut Rotarijs, seu alijs ad id deputatis, & tunc nullo modo porta, seu foribus Monasterij semi apertis.

*Decimoprimo.*

**A**dearum colloquium præter parentes, germanos fratres, & sorores, neminem sine nostra, seu nostri Vicarij Monialium licentia in scriptis obtenta admittant, nec aliquem intra claustra sine licentia etiam in scriptis in casu necessitatis tantum concedenda, & tunc non nisi cum Monialium deputatarum comitatu nullatenus introducant: nulli etiam honestæ personæ nisi manifestæ, & rationabili causa intercedente, & tunc eum Superioris licentia ingressus, vel accessus pateat ad eandem.

*Decimosecundo.*

**E**t tantò minus ipsæ de Monasterio ex quacumque causa exire, nec alia monasteria, vel domus circumire, neque per suorum, vel alienas edes circumcursare præsumat, sed perpetuam, inuiolatamque seruent clausuram, vt per Bonifacij VIII. innouatam Constitutionem, & Sacri Concilij Tridentini decreta statutum est, scièntes vniuersas, & singulas Moniales cuiuscumque Religionis sint, vel Ordinis, in quibuslibet mundi partibus existentes, sub perpetua debere manere clausura, nullique ipsarum in Reli-

gio-

gione tacite, vel expresse professæ quacumque ratione, vel causa concedi posse facultatem è Monasterijs huiusmodi egrediendi, nisi in casibus contentis in Constitutione felic. Record. Pij V. quę incipit Decori, &c.

*Decimotertio.*

**N**ulla Monialis Conuersa, Nouicia, & alia quacumque mulier in Monasterijs claustralibus degens catellos cuiuscumque generis retineat, seu apud se habeat, & si quæ ad præsens actu illos teneat, omnino dimittere teneatur sub pœna excommunicationis ipso facto incurrenda nobis reseruata.

*Decimoquarto.*

**H**abitus seculares viriles, seu muliebres etiam ad animi relationem, vel tempore carnis priuij (cum dissolutio sit potius Ecclesiasticæ disciplinæ) nunquam induant, nec comedias, fabulas, representationes, seu quaslibet actiones seculares representent sub pœna excommunicationis ipso facto incurrenda, nec cantus figuratos sub pœna interdicti earundem Ecclesiarum admittant, sed ab omnibus denique ludis, seu iocis vanis abstineant.

*Decimoquinto.*

**N**EC Confessoribus tam ordinarijs, quàm etiam extraordinarijs munera, vel alia dona mittantur ab ipsarum singulis, sed tantum à Priorissa, seu Abbatissa permittantur ad eosdem Confessores, sub pœna ipso facto incurrenda renocationis facultatis audiendi confessiones Monialium, nec etiam prætextu missarum celebrandarum, quæ non possit excedere elemosynam duorum carolendorum pro qualibet missa.

*Decimosexto.*

**C**VM aliàs nostro particulari edicto prohibitum sit sub pœna excommunicationis latæ sententiæ ipso facto incurrenda, vti nulla Monialis, aliaue mulier degens in Monasterio claustrali admittat in eius domo, siue cella nouitiam, vel educandam ad pernoscendum, id etiam præsentì Constitutione Synodali statuendum esse duximus, exceptis ijs, quæ à Sancta Sede Apostolica obtinuerint licentiam.

*Decimoseptimo.*

**D**enique iuxta Apostolum irreprehensibiles sint, & tanquam Dei Omnipotentis seruitio se mancipatas agnoscant, dignęque cum virginibus prudentibus, & vigilantibus accensas lampades, & oleum habentibus in vasis suis, æterno Sponso occurrere, & cum eo ad nuptias sempiternæ illius felicitatis intrare, & quæ

velut purissimæ Virgines sequi Agnum quoque mereantur.

*Decimo octauo.*

*De non retinendis, nec custodiendis mulieribus secularibus  
in Monasterijs.*

**Q**uoniam experientia, quæ est rerum magistra, deprehēdimus cohabitationem, & consuetudinem secularium mulierum, cum sacris virginibus sacræ virginali pudicitie maxime perniciosam esse, & ex ea plurima, & grauiora scandala in dies exoriri; statuimus, & ordinamus ne de cætero quæcumque seculares mulieres cuiuscumque conditionis, aut nobilitatis existant in Monasterijs, vel Conuentibus Monialium, seu Sororum quorumcumque; Ordinum nobis subiectis, vel exemptis recipiantur, seu admittantur in perpetuum, siue ad tempus etiam breue, etiam sub prætextu sequenti securitatis, aut custodiæ sub pœna Abbatissæ, seu Præfæctis, & Superioribus Monasteriorum prædictorum priuationis eorundem officiorum, quoad reliquas Moniales interdicti earundem Ecclesiarum, vltra alias pœnas à iure inflictas contra talia perpetrantes.

*Decimonono.*

**C**um alias nostra edicto particulari prohibitum sit Monialibus, & Sacristis Monasteriorum nobis subiectorum, ut durante anno earundem officij Sacristiæ, non possint expendere pro necessitate Sacristiæ, pecuniam assignatam pro earundem subuentione, nec eorum titulo donationis tam à consanguineis, quàm ab alijs exteris, etiam quod procuraretur perueniri ad manus Abbatissæ, seu alterius personæ Ecclesiasticæ, vel secularis, ad hoc ut possit postea deferuire pro vsu Sacristiæ, sed tantum debeant expendere id, quod assignatur ab Abbatissâ pro seruitio, & vsu Sacristiæ tantum, sub qua prohibitionem declaramus etiam comprehendendi donatium fieri solitum ab eisdem Sacristis in fine anni eorum Sacristiæ, sub pœna excommunicationis latæ sententiæ nobis reseruata: qua censura ligare volumus tam Moniales Sacristas, quàm etiam Abbatissas contrafacientes, prout in nostro edicto, quod hac nostra Constitutione Synodali confirmamus, & inuiolabiliter obseruari mandamus.

*Vigesimo.*

**N**ulla Monialis in eadem domo, seu cubili aliam mulierem, ad pernoctandum admittat, cum vnaquæque debeat habere propriam cellam iuxta decreta Sacræ Congregationis Regularium, & quando vnaquæque Monialis ob angustiam habitatio-



nis non potest habere propriam cellam; tunc ad minus debeant esse tres in eadem cella.

Nec Abbatisa, seu Priorissa cuiuscumque Monasterij ultra annum Nouitiam à die suscepti habitus in Monasterio degere permittat, sed statim dicta Nouitia teneatur professionem emittere, finito anno Nouitiatus: expleto demum decimo sexto anno ætatis, vel illam è Monasterio expellere, iuxta decreta Sacre Congregationis sub pœna priuationis officij quoad Abbatissam, & ita etiam quoad educandas obseruandum statuimus, adeò vt statim completo vigesimo quinto anno expellatur.

Nec masculus, vel fœmina cuiuscumque ætatis ad ingressum clausurę cuiuscumque conditionis admittatur sub pœna quoad admittentes excommunicationis ipso facto incurrenda nobis reseruata.

Nec Educandę, vel Moniales ultra duas Sorores ad habitum suscipiendum admittantur etiam ex causa educationis, absque licentia Sedis Apostolicę: & tunc cum priuatione vocis actiue, & passiuę, & cum dote duplicata, alijsq. conditionibus in dictis licentijs apponi solitis.

Cumque inconueniens sit in Monasterijs nobis subiectis, vt nec à Monialibus, nec à Conuersis sub pretextu quod sint exterę, consanguineis, vel alijs accedentibus ad illas visitandas in cratibus parare comestibilia cum magno scandalo, idque aliàs sub nostro particulari prohibuimus edicto sub pœna carceris per mensem, ac etiam per duos menses non accessus ad crates. Propterea illud confirmamus, & extendi volumus etiam ad Moniales, sub eisdem pœnis, alijsq. nostro arbitrio reseruatis.

Ita etiam quod nec possint alloqui nec cum fœminis, nec masculis in portello, nisi fuerit consanguineus, vel affinis in primo, vel secundo gradu, sub pœna excommunicationis ipso facto incurrenda, licet nostro edicto prohibuerimus, nunc præsentì Constitutione Synodali illud confirmamus.

Sicut etiam ad crates Monialium prohibuimus cantus, vel sonos sub pœna excommunicationis ipso facto incurrenda nobis reseruata, ad quam pœnam volumus incurrere etiam Abbatissam, vel Priorissam admittentes Moniales ad præfatos cantus, & sonos ad dictas crates, ideoque hac nostra Synodali Constitutione iam dictas prohibitiones confirmamus.

In Synodo Diœcesana habita Neap. die 14. mē-  
sis Aprilis 1652.

*Primum Decretum.*

**C**VM Ecclesiæ diuino cultui dicatæ Domus orationis esse debeant, & ideo quicumque actus profani, & indecentes procul ab eis arcendi sint, tanto magis id in sacrificio missæ seruandum est, & tamen inoleuit abusus, vt Sacerdotes propriæ salutis immemores, vel naribus, vel ore, dum ad sacrificium peragendū accedunt, tabaccum vulgo nuncupatum sumant, proinde lintea sacra fædantur, & conspergentur Ecclesias prædictas tetro odore inficiendo magno cum populi scandalo, & rerum sacrarum irreuerentia. Nos igitur ad præfatos abusus tollendos mandamus omnibus, & quibuscumque Sacerdotibus cuiuscumque gradus, & conditionis existant in nostra Ciuitate, vel Diœcesi, quatenus sub pœna suspensionis à diuinis ipso facto incurrenda, alijsq. nostro arbitrio reſeruatis nullo modo audeant accedere ad sacrificium peragendum cum ore, vel naribus, vt præfertur ſedatis.

*Secundum decretum.*

**Q**uoniam in exactione Iurium Parochialium circa Funeralia nec in Constitutionibus Synodalibus nostris, vel nostrorum Prædecessorum; nec in libello exequiarum reperitur aliquid taxatum in casu quo aliquis decedit in aliquo loco Diœcesis, vbi moram trahit occasione infirmitatis curandæ, vel alio casu diem obiit extremum: quare eo prætextu, quod defunctus sit exterus, & non de Parochia illius loci, ij, ad quos spectat petunt, vel extorqueant quantitatem indebitam pecuniarum, & eo magis quando eligit sepulturam in aliena Diœcesi, ideo ad tollendos abusus præfatos, quantum in nobis est, & ad euitandas lites, & controuersias mandamus in futurum Parochis, & alijs, quibus debetur Ius Parochiale, quatenus non debeant excedere ducatos sex sub pœna centum librarum ceteræ locis pijs, alijsq. pœnis nostro arbitrio reſeruatis.

*Tertium decretum.*

**C**VM turpe sit, & indecorum vt à personis Ecclesiasticis pro sepultura concedenda exigantur pecuniæ, nihilominus sunt qui non verentur contra omnia Iura petere quantitates exorbitantes, & ideo à nostris Prædecessoribus pluribus Constitutionibus

bus Synodalibus satis cautum sit, Iura Parochialia esse statuta: Nos, quatenus opus est, illas renouantes statuimus, ne eisdem Parochis, vel Rectoribus Ecclesiarum sit licitum ut fidelium cadauera sepelire alibi, quam in sepultura electa, & pro licentia præstanda nihil penitus, præterquam Iura Parochialia solita, & consuetæ exigant ratione dicti consensus sub pœna centum librarum ceræ, alijsq. nostro arbitrio reservatis. In Ecclesijs verò Regulariũ quando contingerit eligi sepulturam aliqua elemosyna à sponte dantibus admittatur; ipsis verò recusantibus, vel aliquam pecunię quantitatem exorbitantem petentibus recurrendũ ad Nos, vel ad nostrum Vicarium Generalem, ad hoc ut prouideri possit. In qua Ecclesia cadauer debeat sepeliri, &c. & eo casu censetur eosdem Regulares recusasse cadauer ad sepulturam electam admittere.

*Quartum decretum.*

**Q**uoniam ex funeralibus, seu exequijs, quę sunt de nocte ut plurimum solent oriri scandala, & dissentiones; & ideo à nostris Prædecessoribus varijs Constitutionibus Synodalibus prouisum est, etiam pœnis pecuniarijs adiectis ne fiat: Nos illas renouantes, quatenus opus sit, sub eisdem pœnis, alijsque nostro arbitrio reservatis mandamus Canonicis, & Capitulo nostrę Ecclesię Cathedralis, ne absq. nostra licentia, &c. alijsq. verò inferioribus ne absq. licentia nostri Vicarij Generalis, &c. huiusmodi funeralibus intersint.

*Quintum decretum.*

**M**agistros laicos quarumcumque Ecclesiarum præsumentes absque priuilegio Apostolico alienare bona stabilia, iura, actiones, vel bona pretiosa mobilia prædictarum Ecclesiarum pœnas à sacris Canonibus incurrere, & alienantes præfatas nullas, & irritas extare declaramus.



*Sextum decretum.*

**C**VM alias à nostris Prædecessoribus in Constitutionibus Synodalibus vetitum sit Cappellas quascumq; & sepulchra tam in Ecclesijs benedictis, quàm consecratis existentes, cum res sacre sint absq. Ordinarij licentia vendi, & alienari, seu ad annuū canonem concedi, & contractus esse nullos, & irritos tanquam contra sacros Canones declaratum sit, & si postea ad possessionis actum, ac traditionem deuentum sit, ipso facto incurrere excommunicationem: nihilominus illis non obstantibus irrepsit abusus, ideo ad remouendos præfatos abusus illas renouantes, & quateus opus sit, illas confirmantes, &c. Rectoribus Ecclesiarum, seu Sacristis mandamus sub pena librarum centū ceræ locis pijs, &c. vt statim habita notitiā nobis denuncient, &c. ad hoc vt opportu-  
nè prouideri possit.

*Septimum decretum.*

**I**nsinuatum nobis fuit à laicis Magistratibus promulgatū fuisse bannum, prohibens personis Ecclesiasticis administrationem officiorum publicorum, & votum dare in electione Officialium; alijsq. negotijs, quæ tractantur in plateis huius Ciuitatis, prout hæcenus fuit obseruatum. Cumque ex sacrorum Canonum præscripto laicis in clericos, & personas Ecclesiasticas nulla sit attributa, nec permittā potestas, nec iurisdictio decernimus, & declaramus bannum prædictum, similesque prohibitiones nullatenus personas Ecclesiasticas ligare, nec comprehendere, illudque contra huiusmodi personas Ecclesiasticas exequentes, vel quomodo libet directè, vel indirectè exequi, præsumentes, vel mandantes in penas, & censuras in sacris Canonibus, & præsertim in Bulla Censæ Domini contentas incurrere: & propterea Confessarios tantum Seculares, quàm Regulares transgressoribus nullatenus absolutionem impendere posse; secus vero facientes penis in dicta Bulla contentis, & alijs nostro arbitrio reservatis decernimus subia-  
cere.

*Octauum decretum.*

**C**VM decreto S.C.T. statutum sit, nè Episcopi patiantur in priuatis domibus, atque omnino extra Ecclesias diuino cultui  
di-

dicatas, vel in Oratorijs priuatis celebrari, & à decreto Fel. Record. Pauli Papæ V. omnes, & quæcumque licentiæ ab Ordinarijs locorum quibuscumq. personis cuiuscumq. conditionis existant, concedere, & concessæ reuocata sint; & declaratum in futurum, non licere absque priuilegio Apostolico, & in loco ab eisdem Ordinarijs prius designando, visitando, & approbando, etiam inoleuit abusus, & priusquam ab Ordinarijs visitentur, & approbentur in eisdem celebretur. Ideo mandamus sub pœna suspensionis à diuinis ipso facto incurrenda, &c. omnibus Presbyteris tam Secularibus, quàm Regularibus vti Delegatus Apostolicus, vt nullo modo in præfatis Oratorijs celebrent, etiam ex priuilegio Apostolico, antequam Oratoria à nostra Curia visitentur, & approbentur, iuxta formam literarum Apostolicarum.

*Nonum decretum.*

**C**VM res sacras diuino cultui dicatas, ac bona pretiosa mobilia alienare, aut pignori dare, quauis urgente necessitate, absq. nostra licentia per pœna excommunicationis, alijsq. nostro arbitrio referuatis per Constitutiones Synodales nostrorum Prædecessorum satis vetitum sit; nihilominus non desunt, qui de facto contraueniunt, ideo illas renouamus, & quatenus opus sit de nouo decernimus, vilo modo licere eas alienare, aut pignori dare sub pœna excommunicationis, alijsq. nostro arbitrio referuatis.

*Decimum decretum.*

**L**icet de iure prohibitum sit omnibus Sacerdotibus exorcismum energumenis adhibere, nisi cum facultatibus in scriptis obtentis à Nobis cum clausulis, & conditionibus in licentia impressa contentis; nihilominus non desunt Sacerdotes tam Seculares, quàm Regulares, qui de facto absque licentia adhibent præfatos exorcismos, ideo mandamus Sacerdotibus secularibus sub pœna suspensionis à diuinis ipso facto incurrenda; cuius absolutiõem Nobis referuamus, &c. & Regularibus sub pœna priuationis facultatis auscultandi confessiones secularium, &c. quatenus sint confessores, alijsq. nostro arbitrio pœnis referuatis, vt in posterum ab huiusmodi exercitio, nisi vt præfertur, abstineant.

**S**icut processiones, & supplicationes institutæ sunt, vt pijs orationibus mens eleuetur in Deum, & à Christiana pietate alienum est in dictis processionibus ea fieri, quæ ab hominum peruerfitate offensionis, & risus, & irreuerentiæ occasionem exsunt; propterea vt processiones prædictæ ea, qua decet reuerentia, deuotione, grauitate, & modestia peragantur, sub pœnis nostro arbitrio reseruatis, actiones, seu representationes quascumque in prædictis processionibus adhiberi prohibemus.

*Duodecimum decretum.*

**C**ongregationes, & Collegia, quæ cum Ecclesiastica non faciunt immunem personam aliquam à seruitio Ecclesiæ, vel oneribus incumbentibus, nisi seruata forma sacrorum Canonum, sub pœnis centum librarum ceræ in casu contrauentionis, alijsq; nostro arbitrio reseruatis.

*Decimumtertium decretum.*

**C**VM aliàs à nostris Prædecessoribus sub pena librarum viginti ceræ Parochis nostræ Ciuitatis, & Diœcesis iuxta sacrorum Canonum dispositionem mandatum sit librum Rituale Romanum nouissimè editum penès se retinere, & habere, &c. & illius in Sacramentum administratione seruare, &c. illas renouamus, &c. inuiolabiliter seruari mandamus.

**A. Card. Philamarinus Archiepiscop. Neap.**

---

**In Synodo Diœcesana habita Neap. die 14.  
Mensis Aprilis 1650.**



**I**N Dei nomine. Amen. Per hoc præfens publicum Instrumentum cunctis pateat euidenter, & sic notum, quod anno à Natiuitate Domini millesimo sexcentesimo quinquagesimo octauo, Indictione undecima, die verò decimaseptima Mensis Maij Pontificatus autem Sanctissimi in Christo Patris, & D. N. D. Alexandri Diuina prouidentia Papa Septimi, anno quarto. Eminentissimus, & Reuerendissimus Dominus Ascanius tituli S. Mariæ in Ara Cæli S. R. E. Presbyter Cardinalis Philamarinus Archiepiscopus Neapolitanus, decreuit celebrare Sextam Synodum Diocesanam unica Sessione; Cumq; iam propterea mandasset fieri, & publicari Edictum publicum, cuius copie affixæ fuerunt ad Valuas Metropolitanæ, & Parochialium maiorum Ecclesiarum prædictæ Ciuitatis, quod publicatum fuit ad sonum campanellæ per Cursorem Curie Archiepiscopalis, tenoris sequentis videlicet.

*Primum Decretum.*

**S**ANCTA, nè dum sanctè, sed etiam sacris in locis ministrari debere docuit semper Ecclesia Catholica; quoniam verò innuatum est nobis, obrepisse in hac Ciuitate abusum celebrandi diuina officia, canendo identidem Vesperas solemniter, & Missas, licet diminutas, apud quasdam imagines in parietibus viæ publicæ depictas, ideò his abusibus debitis remedijs occurrere volentes, præcipimus, vt deinceps nullus Sacerdos, siue Clericus sæcularis, aut regularis, audeat, sub quouis prætextu, etiam antiquissimæ consuetudinis, quæ potius corruptela dicenda est; huiusmodi generis officia peragere apud imagines supradictas in parietibus viæ publicæ depictas, sub pœna, respectu presbyterorum, & clericorum sæcularium, centum librarum cæra laboratæ, visibus pijs applicanda; respectu verò Regularium, sub pœna interdicti eorum Ecclesiarum, apud quas dictæ imagines depictæ reperiuntur.

*Secundum Decretum.*

**M**VSICOS, & modulatos cantus, præsertim cum instrumentis cuiuscumque generis, etiam tubis, apud huiusmodi imagines in parietibus viæ publicæ huius Ciuitatis, & Suburbiorum depictas, fieri; siue choreas, aut saltus ducere, omninq; prohibemus, sub pœnâ excommunicationis, latę sententię, nobis reseruata.

*Tertium Decretum.*

**L** Icèt alias nostra simili Constitutione Synodali, in anno 1648. edita, etiam vigore Decretorum Sacri Concilij Tridentini, satis cautum appareat, nullũ Sacerdotem Sæcularem, siuè Regularem, esse habilem ad audiendas confessiones Christi fidelium, nisi præuia approbatione ab Ordinario loci obtenta, & aliter confessiones ab ipsis auditas, esse nullas, & inualidas: Quia verò ad aures nostras perlatum est, nonnullos Sacerdotes, propriæ salutis immemores, non vereri in hac nostra Ciuitate, & Diœcesi, absque tali approbatione, confessiones fidelium audire, ideò huic malo, pro nostro pastoralis officio, quantum in nobis est, opportunum aliquod remedium adhiberè cupientes, declaramus, quoscumque Sacerdotes, qui post hac, absque nostra approbatione, quorumcumque fidelium, vtriusque sexus, confessiones audire præsumperint, vltra pœnas censurarum, quibus tanquam Apostolicæ Sedis delegati, à nobis corripendi erunt, etiam pœnæ carceris formalis per biennium subiaccere, taliter dictam priorem nostram Constitutionem declarantes, & respectiue ampliantes.

*Quartum Decretum.*

**I**ncongruum æstimari non debet, vt ea, quæ à nobis aliquando sancita sunt, ipsa demum experientia suadente, iustis, ac rationabilibus causis, sæpè ampliari expediat; alias siquidem peculiari Constitutione Synodali, in anno 1644. edita, etiam in exequutionem declarationum Congregationis Sacrorum Rituum, statutum fuit, non licere in Oratorijs, priuatis, alicui, etiam auctoritate Apostolica concessis, celebrari facere in quibusdam solemnioribus festis, videlicet Natiuitatis Domini, Epiphaniæ, Paschæ Resurrectionis, Penthecostes, Annuntiationis, & Assumptionis B.M.V. Sanctorum Apostolorum Petri, & Pauli, nec non Omnium Sanctorum, Circumcisionis, & Ascensionis Domini, Corporis Christi, Sancti Ioseph, ac Natiuitatis Sancti Ioannis Baptistæ, sub pœna reuocationis licentiæ obtentæ. Quoniam verò compertum est, à multis huiusmodi prohibitionem non obseruari, ideò supradictam Constitutionem confirmantes, vltra dictam pœnam, quam declaramus ipso facto, incurrere, quoscumque, quauis auctoritate fulgentes, qui celebrari facere ausi fuerint, absque nostra expressa licentia in eorum Oratorijs priuatis, dictis diebus festis, vt supra

exceptis: Sacerdotes etiam, qui post hac, huiusmodi nostro decreto contrauenire attentauerint, pœnis suspensionis à diuinis, & alijs, etiam grauioribus, nostro arbitrio reservatis, decernimus subiacere, talitèr præfatam nostram Constitutionem ampliàntes.

*Quintum Decretum.*

**C**um festum Sacratissimi Corporis Christi, Sancta Mater Ecclesiacelebrandum indixerit feria quinta, post Dominicam sanctissimæ Trinitatis, ideòque prædicta die, & per totam Octauam à multis Ecclesijs solemniter, secundum laudabilem Consuetudinem, idem Sanctissimum Christi Corpus processionaliter circumferatur à fidelibus adorandum; sæpius à nobis ordinatum est, ad hoc, vt cum maiori decencia processiones huiusmodi procedant, illas fieri debere ( prout fit in nostra Cathedrali Ecclesia) de mane ante prandium, Et quoniam à nonnullis, huiusmodi prohibitione non obstante, tales processiones fiunt de sero, & post prandium; Præfenti decreto statuimus, & mandamus, quod in posterum nullus Presbyter secularis, cuiuscumque Ecclesiæ nostræ Ciuitatis, & Diœcesis, quacumque autoritate, siue dignitate præfulgens, sub pœna ducatorum centum, vsibus pijs, in casu contrauentionis applicanda; accedere præsumat ad tales processiones post prandium, vt præfertur faciendas, exceptis Ecclesijs, quibus ex indulto Apostolico id facere permissum est; Presbyteris verò Ecclesiarum exemptarum, nullo modo facere liceat huiusmodi processiones de sero, & post prandium, absque nostra expressa licentiâ in scriptis obtinenda, sub pœna interdicti dictarum Ecclesiarum, ipso facto incurrenda, idque seruandum etiam decernimus in similibus processionibus, forsan faciendis ( ex aliqua iusta causa, à nobis approbanda ) post octauam dictæ solemnitatis, sub iam dictis pœnis.

*Sextum Decretum.*

**A**d sedandas discordias, quæ in huiusmodi processionibus occurrere solent, cum maximo populi scandalo, & irreuerentia tantæ solemnitatis, mandamus similiter omnibus Rectoribus Parochis, seu Sacristis Ecclesiarum Parochialium, vel Collegiatarum huius Ciuitatis, & Diœcesis, quod in illis Ecclesijs, apud quas viget laudabilis consuetudo processionaliter



tet deferendi præfatum Sanctissimum Christi Corpus, infra dictam Octauam, vel post illam, præcedente nostra licentia, nullus audeat, seu præsumat, sic processionaliter eundo, excedere fines propriæ Parochiæ, nec permittere; quod aliquis Presbyter, siue Clericus, præter celebrantem, & duos assistentes solos, in dictis processionibus, sacerdotalibus, & sacris vestibus, paratus incedat, sub pœna, respectu personarum Ecclesiasticarum, librarum centum cere laboratę, vsibus pijs applicanda, & alijs pœnis nostro arbitrio reseruatis: Respectu vero Confratrum laicorum, qui tales processiones, associare soliti sunt, sub pœna excommunicationis, ipso facto incurrenda.

#### *Septimum Decretum.*

**Q**uoniam quandoque occurrit in certis casibus repentinis, vt accersito proprio Parocho, ad finem administrandi Sacramenta infirmis, vel morti proximis, nullo modo illum (aliqua occupatione detentum) vel alia de causa absentem, in sua Parochia reperiri, idèd nè fideles propter sui Parochi absentiam, in his casibus, debita Sacramentorum administratione priuentur, declaramus, occurrente huiusmodi necessitate tantum, Ecclesiastica Sacramenta Confessionis, Viatici, & Extreme Vntionis, Parochos etiam alterius vicinioris Parochię, licite, & libere ministrare posse, absque villo pœnarum incursu, citra tamen præiudicium Iurium Parochialium proprio Parocho competentium.

#### *Octauum Decretum.*

**U**m Decreto Sacri Concilij Tridentini, ac nouissima Constitutione scælicis recordationis Pauli Papę Quinti, declaratum sit, non licere quibuscumque personis, cuiuscumque gradus, status, & conditionis existant, celebrari facere Missę sacrificium in priuatis Oratorijs suarum domorum: absque Priuilegio Apostolico, & tali casu, in loco decenti, prius per Ordinarium loci visitando, & approbando; Idèd cum nobis innotuerit, in aliquibus Oratorijs priuatis huius Ciuitatis, in quibus à Sancta Sede Apostolica indultum est, Missę sacrificium celebrari posse, priusquam visitentur per nostrum Generalem Vicarium, in eis celebrari temere præsumitur: Propterea à omnibus, & singulis Presbyteris secularibus, ordinaria, regulati-

bus

bus verò Apostolica nobis delegata, qua fungimur authoritate, vigore præsentis Decreti, mandamus, vt nullo modo audeant, in huiusmodi priuatis Oratorijs celebrare, antequam, de mandato nostro visitentur, & approbentur, debitamque licentiam celebrandi obtinuerit, iuxta formam literarum Apostolicarum, per impetrantes obtentarum; sub pœna suspensionis à diuinis, alijsque pœnis, nostro arbitrio reservatis, ipso facto, in casu contrauentionis, incurrendis.

*Nonum Decretum.*

**C**ordi nobis semper fuit, vt in Iudicijs, præsertim ciuilibus, quæ in nostra Curia Archiepiscopali agitantur, superfluas dilaciones debitorum litigantium rescantur, nè partes maioribus, quam par est, expensis pro recuperatione eorum crediti grauentur: Alias siquidè, tam à nostris prædecessoribus, quam à nobis etiam statutum reperitur, deberi viam exequutiuam, apocis Bancorum, cum certis moderationibus, prout in Decretis Synodalibus desuper æditis; Cum itaque pari, imò maiori ratione omnia supradicta procedât in litteris cambij protestatis; Præsenti nostro Decreto, eandem viam exequutiua, post hac in nostra Curia Archiepiscopali competere decernimus pro credito spectante vigore literarum cambij, tanquam magis de iure priuilegiato, taliter supradictas priores Constitutiones ampliando.

*Decimum Decretum.*

**I**nter alia, quæ parum decenter, & contra ritus Ecclesiasticæ disciplinæ à Sacerdotibus, & Clericis huius nostræ Diœcesis peraguntur, nõ vltimum obtinet locum abusus, qui circa modum associandi fidelium corpora ad Ecclesiasticam sepulturam irreperunt, cum non solum id munus indecenter, ac sine illa, quæ Ecclesiasticas personas decet, modestia, sed cum tumultu, ac rixis persæpe exercetur; vnde non sine vindicanda huiusmodi delinquentium culpa, & sæcularium scandalo, Ecclesiastici ritus honor, & Ecclesiasticarum personarum veneratio, multum diminuitur, & conculcatur; huic igitur malo opportunius occurrere volentes, Decreta alias lata à nostris prædecessoribus, ac etiam à nobis, circa modum in funeribus associandis, prout in libello desuper impresso, obseruandum à Sacerdotibus, & Clericis Confratribus nuncupatis, ac ab alijs,

ad quos spectat, ne nouo confirmamus, ac illa ab omnibus in  
uiolabiliter in posterum obseruari mandamus, sub pœnis cõ-  
tentis in libello, & Decretis supradictis.

*Vndecimum Decretum.*

**E**ousque creuit nõnullorum perditorum hominum malitia,  
vt in eorum propriæ salutis detrimentum, non vereantur  
declinare proprium cor in verba malitiæ ad excusandas excu-  
sationes in peccatis; Cum igitur alias à nobis pœna excommu-  
nicationis ipso facto incurrenda, decreta fuerit, illiusque ab-  
solutio nobis tantum reseruata, contra accedentes ad Mona-  
steria Monialium, quantumuis exempta, vt cum illis, vel ali-  
qua ipsarum colloquantur, etiam si sit Nouitia, conuersa, aut  
puella, quæ educationis causa ibi commoretur, sine tamen  
nostra, vel nostri Vicarij licentia, cum declarationibus, & am-  
pliationibus in decreto supradicto contentis; inter quas illa  
est præcipua, vt qui prætextu licentiæ obtentæ, præsumeret cū  
aliqua Moniali, licet Nouitia, seu Conuersa, vel educanda, de  
rebus obscenis, verbis, aut actibus impudicis pertractare, vel  
litteras, siuè internuncium, de huiusmodi rebus transmittere,  
talem excommunicationem incurrat: Quoniam verò nuper (nō  
sine intimo cordis nostri dolore) noticiam habuerimus; mul-  
tos perditos huiusmodi homines, pretendere, quod talis ex-  
communicatio non incurratur, quando ipsi cum dictis Monia-  
libus, Nouitijs, Conuersis, seu educandis pertractant de hu-  
iusmodi rebus obscenis, verbis; aut actibus impudicis, non sub  
prætextu dictæ licentiæ obtentæ: Propterea eorum animæ sa-  
lutem, ac conscientias (licet erroneas) quantum in Domino  
possumus, oportunis remedijs curare volentes; Præsenti De-  
creto decernimus, & declaramus, præfatam excommunica-  
tionem latæ sententiæ, nobis tantum reseruata, incurrere  
omnes illos, qui obtenta licentia, qualibet ex causa à nobis,  
siuè nostro Vicario, colloquendi cum aliqua Moniali, Noui-  
tia, Conuersa, siuè alia quacunque muliere, etiam titulo edu-  
cationis in dictis Monasterijs commorante, ausus fuerit cum  
illis, vel aliqua ex supradictis, siuè coram ipsis, vel aliqua  
ipsarum, de rebus obscenis pertractare, verbis, aut actibus im-  
pudicis, siuè internuncium, vel litteras transmittere, aut scri-  
bere de huiusmodi rebus, etiam si hoc occurrat, sine prætextu  
huiusmodi licentiæ obtentæ: Et iuxta præfatam nostram de-  
cla-



clarationem, & decretum, nonam pagellam casuum referuatorum (abrogata priori, quo ad hoc caput) quam primū Typis mandari, & promulgari præcipimus.

*Duodecim Decretum.*

**Q**uanto studio prosequuti sumus (toto hoc nostri præsulatus tempore) maius augmentum in spiritualibus, & temporalibus Monasteriorum Sanctimonialium, nostro pastoralis regimini creditorum, nemo est, qui non videat, si corde cogitare velit, prouisiones, & decreta per nos desuper edita, tam, in reiteratis visitationibus eorundem: quam in præcedentibus Synodis Diocesanis, ac etiā extrā illas, inter quæ non infimum obtinet locum, ordinatio facta mediante peculiari edicto per nos emanato sub die prima Ianuarij anni 1657. cuius vigore ambitiosam emulationem Monialium, quæ officium Sacristæ in Ecclesijs dictorum Monasteriorum pro tempore, exercent, refrenare cupientes, prohibemus, & expressè mandauimus, nè Monialis aliqua cuiuscumque Monasterij, nostræ ordinariæ Iurisdictioni, quomodolibet subiecti, durante officio Sacristæ, siue ante eiusdem officij susceptionem, vel post completam illius administrationem, vllō modo possit expendere, etiam in beneficium Sacristæ sui Monasterij, introitus vitalicios, sibi assignatos, nec alias pecunias per ipsam à quacumque alia persona, sub quouis titulo, etiam donationis, vel mutui acceptas, quamuis huiusmodi pecuniæ in manibus Abbatissæ, siue Priorissæ sui Monasterij, seu alterius persona, tam Ecclesiasticæ, quam secularis quocumque titulo nuncupatæ, animo illas ad talem vsum sacristæ per eas, siue per alios, eorum nomine (vt præfertur) expendendi, peruenirent: Propterea, ad hoc, vt talis nostra tam salubris, & iusta prouisio in posterum arctius obseruetur à supradictis Sanctimonialibus, Abbatissis, Priorissis, Sacristis, & alijs personis Ecclesiasticis, & Secularibus, quocumque nomine nuncupentur, quæ magis tenentur consulere publico, & priuato beneficio suorum Monasteriorum, illud etiam totis viribus promouere: supradictum edictum à nobis super hoc emanatum, cuius tenorem hic haberi volumus pro expresso; Præsentis nostri Decreto confirmantes, illius exactam obseruantiam, & debitam exequutionem denuo iniungimus, sub pœna excommunicationis latæ sententiæ, nobis tantum reseruata, quam incurrere volumus, & decernimus

etiam

etiam quamcumque Monialem, licet Nouitiam, siue alias personas, tam Ecclesiasticas, quam seculares, cuiuscumque conditionis existant, quæ habita notitia contrahætionis huius nostre Constitutionis, illam toties, quoties, non denunciauerint nobis, siue nostro Vicario Monialium.

*Tertiumdecimum Decretum.*

**Q**uoniam sæpè (multorum insinuatione didicimus) cum clamore, quod nonnulli pauperes, & egeni decedentes in Ciuitate, & Diœcesi nostra, Neapolitana, propter eorum inopiã, pluribus diebus carent Ecclesiastica sepultura; Propterea, cum huiusmodi actus, præter scandalum, quod in populo generant, Christianæ etiam charitati repugnent, volentes ex nostri officij debito de salubri remedio huic malo providere; Innouantes, & respectiue confirmantes antiquam huius nostre Ecclesiæ Neapolitanæ Constitutionem, de gratis humandis pauperum cadaveribus defunctorum; Præsentium tenore requirimus, atque monemus omnes, & singulos Rectores, Parochos; Capellanos, Cellarios, Confratres quarumcumque Ecclesiarum Ciuitatis, & Diœcesis nostre Neapolitanæ, omnesque alios Parochiam funeralem, siue ius funerandi quouis titulo habentes, quatenus sub pœna suspensionis à diuinis, necnon centum librarum cere laboratæ, vñibus pijs applicanda, vt quam primum ad ipsorum noticiam peruenerit mors huiusmodi pauperum decedentium, habita fide paupertatis defuncti subscripta à proprio Parocho, & aliquibus vicinis eiusdem defuncti, sublato cuiuscumque more præpedimento, statim eorum proprijs expensis, vt conuenit, sepeliri faciant, & curent corpora pauperum decedentium præfatorum: Iniungentes Vicario Generali nostre Curie pro tempore existenti, vt circa executionem huius nostri Decreti, modis omnibus sedulò inuigilet, & inobedientes, supradictis, & alijs pœnis, etiam grauioribus, per omnia iuris remedia, autoritate sua ordinaria compescat.

In Synodo Diocesana habita Neapoli die 18.  
Mensis Maij Anno 1662.

**I**N nomine Domini. Amen. Per hoc præsens publicum instrumentum cunctis pateat euidenter, & sit notum, quod anno à Natiuitate Domini 1662. Indictione 15. die verò 18. Iunij, Pontificatus autem Sanctissimi in Christo Patris, & D.N.D. Alexandri diuina providentia PP.VII. anno octauo. Eminentissimus, & Reuerendissimus Dominus Ascanius tituli S. Mariæ in Ara Cæli S.R.E. Presbyter Cardinalis Philamarinus Archiepiscopus Neap. decreuit celebrare septimam Synodum Diocesanam unica sessione, cumq; iam propterea mandasset fieri, & publicari Edictum publicum, cuius copie affixæ fuerunt ad valuas Metropolitana, & Parochialium maiorum Ecclesiarum prædictæ Ciuitatis, quod publicatum fuit ad sonum campanelli per Cursorem Curia Archiepiscopalis tenoris sequentis, videlicet.

ASCANIVS MISERATIONE DIVINA  
Tituli S. Mariæ Ara Cæli S.R.E. Presbyter Cardinalis Philamarinus Archiepiscopus  
Neapolitanus.

**C**VM ex sacrorum Canonum, & præcipuè Tridentini Concilij decretis statutum fuerit, vt singulis quibusque annis Diocesana Synodus celebretur: Nos ideò pastoralis (quod nobis imminet) muneris non immemores, Diocesanam Synodum cogere statuimus, vt per eam, quoad Dominus ipse bonorum omnium largitor dederit, nostrarum omnium mores reformentur, excessus corriganur, controuersie componantur, & omnia alia, quæ ad Cleri disciplinam pertinent peragantur. Propterea ordinaria, qua fungimur auctoritate, septimam nostram Diocesanam Synodum nunciamus, conuocamus, & celebrandum indicimus Dominica tertia post Pentecosten, quæ erit 18 Iunij currentis anni 1662. Ideoque dilectos Nobis in Christo Adm. RR:



Dominos Canonicos, & Capitulum nostræ Metropolitanæ Ecclesiæ, omnesq. & singulos Abbates; Rectores; Collegia Ecclesiastica, quoscumque obtinentes officia, & beneficia Ecclesiastica, etiam quæ sine cura vlla sunt in hac Ciuitate, & Diocesi nostræ Neapolitana, omnesque Presbyteros, Diaconos, & Subdiaconos, necnon Clericos tam Seculares, quàm Regulares, qui quouis iure, aut consuetudine nostræ Synodo Diocesana interesse debent, monemus in Domino, eisdemque omnibus, & singulis in virtute sanctæ obedientiæ, ac penis sacrorum Canonum iure constitutis iubemus, vt ea habitus honestate, quæ eorum statui conuenit, & cum superpelliceis decentibus supradicta die, qua prædictam Synodum in Ecclesia celebrabimus conueniant; idque ipsi, & non alij eorum nomine ( nisi legitima causa à nobis probanda impediti sint ) præstare debeant: inde autem cum conuenerint, ne cuique discedere liceat, nisi impetrata à nobis facultate, vt Dei ope, atque auxilio ea, quæ ad animarum salutem, ac dinini cultus augmentum faciunt, decernere valeamus. Monemus insuper, vt post in dictæ huius Synodi promulgationem in omnibus Ciuitatis, & Diocesis nostræ Ecclesiis Parochialibus, quoad ipsa Synodus absoluta, ac dimissa de more erit ( Missa de Spiritu sancto, vel saltem Oratio ) si ob festum solemne celebrari non poterit, dicatur, ex animoque preces fiant, quibus à Deo auxilium impetretur pro optimo Synodali tractationum euentu. In quorum omnium, & singulorum fidem, has præsentis litteras manu nostra signatas per infrascriptum Magistrum Actorum confici, sigilloque nostro muniri, & promulgari, Metropolitanæq. nostræ, & Parochialium maiorum valuis publicè affigi iussimus, Volentes ipsam affixionem eandem habere vim, ac si singulis, quorum interest, intimatæ, & denunciatæ personaliter fuissent. Datum Neap. ex nostro Archiepiscopali Palatio die 10. mensis Iunij 1662.

Ascanius Card. Philamarinus Archiepisc. Neap.

Locus sigilli.

*Vincenzius Ayeta Act. Magist. pro Curia.*

Et à terg. Adì 12. di Giugno 1662. in Napoli Io Clerico Dominico Iannaccone Corsore ordinario della Corte Arcivescouale di Napoli hò publicato, & affisso le copie del retroscritto Editto

to, vna alla porta della Chiesa Maggiore di Napoli, & vna alla Parochia di Porta Noua, & vna alla Parochia di San Giovanni Maggiore, & vna alla Parochia di S. Giorgio Maggiore, & vna alla Parochia di S. Maria Maggiore à sono di campanello, alta, & intelligibili voce, modo, & forma, vt supra.

Die 15. mensis Iunij 1662. per eundem Cursorem fuit affixa cedula in pilastro intus prædictam Metropolitanam Ecclesiam, propè fontem Baptismalem, tenoris sequentis v3.

Omnes, qui Synodo interessè debent, adsint superpelliceis induti: & si quis beneficio obtento, nondum in Synodo fidei professionem emisit, ferat secum schedulam, in qua scriptum sit nomè, & cognomen professuri cū titulo beneficii obtenti, qua professione emissà illam tradet Magistro Actorum Curiz Archiepiscopalis Neapolitanæ.

Et prædicta tertia Dominica post Pentecosten, quæ fuit die 18. Iunij 1662. præfatus Eminentissimus, & Reuerendissimus Dominus Ascanius Cardinalis Philamarinus Archiepiscopus Neapolitanus, associatus à Perillustri, & Reuerendissimo Domino Paulo Garbinati Vicar. General. necnon ab Adm. RR. DD. Canonicis, & Capitulo, Hebdomadarijs, Seminario, & alijs de Clero descendit, cruce præeunte, à suo Palatio Archiepiscopali ad Ecclesiam Archiepiscopalem, ad cuius ianuam fuit ei per Dominum Primicerium porrectum aspersorium; quo suscepto, asperxit se, & alios more solito: deindè flexis genibus super strato ante Sanctissimum Sacramentum, orauit aliquantulum; postmodum genuflexus in sacristorio, interfuit missæ priuatæ de Spiritu sancto, quæ fuit celebrata à Domino Canonico D. Octauio Pisa Presbytero præbendato: qua finita, ascendit ad thronum paratum, vbi induit se sacris paramentis, quibus acceptis, ac deposita mitra pretiosa, genuflexus super puluino, intonauit Hymnum, Veni Creator Spiritus, &c. prosequentibus Cantoribus, & alijs de Clero: quo finito, Secretarius D. Canonicus Dominicus de Ascione dixit, Venerabiles, &c. vt in Põtificali Romano. Mox accessit à Eminentiissimo idem Canonicus Secretarius, & accepit à præfato Eminentiissimo Concilium Tridentinum, ac nonnullas scripturas, in quibus erant adnotati Officiales Synodi, decreta, Examinatores, Iudices, & alij, &c. & associatus à Magistro Cæremoniarum, ascendit Pulpitū paruulū, ibiq. sedēs legit alta, & intelligibili voce modo, vt sequitur.

In nomine Sanctissimæ, & Indiuiduæ Trinitatis Patris, & Filij, & Spiritus sancti. Nos Ascanius miseratione diuina tituli S. Mariz

in Ara Cæli S. R. E. Presbyter Cardinalis Philamarinus Archiepiscopus Neapolitanus, ad Dei Omnipotentis, ac Beatissimæ Virginis Dei Genitricis Mariæ, Sanctorum Ianuarij, Agnelli, & aliorum Sanctorum Patronorum laudem. Nostram septimam Synodum Diæcesanam incipimus. Deindè subiunxit.

Afcianus miseratione diuina tituli S. Mariæ in Ara Cæli S. R. E. Presbyter Cardinalis Philamarinus Archiepiscopus Neapolitanus in hoc Synodo Præsidens.

Si alicui ex his, qui ad nostram hanc Diæcesanam Synodum conuenerunt, contigerit suo loco non vocari, sedere, vel incedere, nemini ius aliquod acquiri, vel præiudicium inferri decernimus.

Si quis aliqua in re sentiens se oppressum, vel offensum, aduersus quempiam conqueri prætendit, vel accusationem deferre, adeat Dominum Vicarium nostrum Generalem, & Consultores ordinarios nostræ Curie, quos deputamus Iudices quærelarum. Reservantes nobis facultatem etiam dum præsens Synodus habebitur, prædictas causas ad vos aduocandi, vel alijs delegandi.

Si quis autem voluerit alicuius absentiam excusare, adeat eodem Iudices.

Et quoniam in huiusmodi Synodi progressu aliquarum personarum auxilio indigemus, qui munera quædam ad id necessariæ obire possint. Deputamus Promotorem huius Synodi Reuerendum D. Henuphium Latronicum V. I. D. Canonicum nostræ Ecclesiæ, Secretarium verò R. D. Dominicum Afcionè V. I. D. similiter Canonicum, & Notarium prædictæ Synodi Vincentium Ayeta. Actorum Magistrum nostræ Curie Archiepiscopalis, & statim fuit per eundem Dominum Secretariū rogata Synodus his verbis, v. 3.

Placent ne vobis Admod. RR. DD. Canonici, & Capitulum, Abbates, Rectores, Parochi, & tota Synodus huiusmodi deputationes, & responderunt: Placent.

Deindè prædictus Dominus Secretarius legi Capitulum primum sess. 13. Concil. Trident. Cum præcepto diuino, &c. & Capitulum de emittenda professione, &c. & postea subiunxit.

Accedat igitur omnes, & singuli Ecclesiastica beneficia obtinētes, qui aliàs in Synodo nō emisunt professionē fidei, & ex formula præscripta à felicis memoriz Pio Papa Quarto dictā professionē genuflexi emittant ante Eminētissimum Cardinalem Archiepiscopum, & statim pronunciant formulam professionis fidei, videlicet. Ego N. N. firma fide credo, &c. vsque ad finem, prosequētibuscum prædictis Beneficiatis genuflexis ante præfatum Eminē-



mentissimum Dominum, &c. quæ finita, accesserunt aliqui Domini Canonici, Hebdomadarij, Parochi, Sacerdotes, & Clerici Beneficiati ad iurandum ante præfatum Eminentissimum Dominum, super libro Euangeliorum, legendo sequentia verba in quadam, schedula scripta. Ego N. N. recipio, promitto, voueo, & iuro, sic me Deus adiuuet, & hæc sancta Dei Euangelia. Quo facto accesserunt ad me infrascriptum Notarium, & singuli tradiderunt schedulam, ut supra, quam acu in filum induxi, &c.

Mox dictus Dominus Secretarius legit decreta in hunc modum videlicet.

*Hæc sunt Decreta edita in hac Synodo.*

¶ In nomine Sanctissimæ, & Individuæ Trinitatis Patris, & Filij, & Spiritus sancti. Nos Ascanius tituli S. Mariæ in Ara Cæli S. R. E. Presbyter Cardinalis Philamarinus Archiepiscopus Neapolitanus hæc in prædicta septima nostra Diocesana Synodo statuimus, & sancimus.

*Incipit legere decreta.*

*Primum Decretum.*

**P**astoralis nostri officij munus est erga oues Nobis à Deo commissas inuigilare, prauas consuetudines, siue abusus abolere, erroneasque conscientias tollere: Hinc est, quod hac in nostra Ciuitate, eiusque Neapolitana Diocesi non solum rudes, verum etiam periti, & instructi in Ecclesiasticis præceptis forsitan, ab hoste humani generis perturbati, & præpediti annum præceptum in Paschate Resurrectionis adimplendo transferunt, asserentes duraturum absque peccati labe, vsque ad primam Dominicam Pentecostes, quod iuri communi penitus aduersatur. Mandamus propterea omnibus Rectoribus, & Parochis dictæ Ciuitatis, & Diocesis sub pana excommunicationis, &c. quatenus in Dominicis Quadragesimæ cuiuslibet anni inter Missarum sollemnia, vel quando in Diuinis populus magis frequens adest, publicare, & insinuare habeant, & debeant in eorum Parochialibus Ecclesijs præceptum Ecclesiæ adimplendum, incipere à die Dominico Palmarum vsque ad Octauam Paschatis Resurrectionis inclusiue perduraturum, & non aliter: quod si secus de cætero fecerint, ultra peccatum, in quod uti transgressores labuntur, in penam etiam interdicti incidisse declarabuntur.

*Secundum Decretum.*

**A**d auferendas penas sanctitas in Constitutionibus Apostolicis contra sollicitantes ad turpia in confessione Sacramentali

rali, auribus fideliter perspeximus, nonnullos Confessarios parit-  
pendentes non solum eorum Ecclesiasticum munus, verum etiam  
salutare hoc, & venerabile Sacramentum Pœnitentiæ, qui ante, vel  
post auditam confessionem suarum filiarum pœnitentium, soliti  
sunt ad domos ipsarum accedere, illasque mechari, ac peccata  
ipsa eadem pœnitentes proprijs confessarijs machantibus confi-  
tentur, ac sacramentalem absolutionem ab eis accipiunt, absque  
rubore commissi sceleris, à quo non solum continuum labendi  
habitum, verum etiam maiora scandala oriri possunt: Volentes  
proinde detestabile hoc scelus ex nostri Pastoralis debito, quan-  
tum in nobis est, coercere, sancimus hac præsentì nostra Synodali  
Constitutione Confessarios ipsos tale scelus perpetrantes de cæ-  
tero confessiones prædictarum pœnitentium audire, & absolutio-  
nem impendere minimè posse sub pœna excommunicationis latæ  
sententiæ ipso facto, & suspensionis ipso iure ab audiendis con-  
fessionibus, à quibus pœnis nonnisi, a Nobis absolui, & habilitari  
possunt.

#### *Tertium Decretum.*

**P**rimo alio nostro Synodali decreto de anno 1644. celebrato sã-  
ctum fuit excommunicationis latæ sententiæ Nobis refer-  
uatæ pœnam incurrere acclamantes, & tumultuantes in Eccle-  
sijs, præsertim tempore expositionis Sanctissimi Sacramenti Eu-  
charistiæ, ac in eandem pœnam incurrere homicidia patrantes, &  
membra in eis mutilantes, quod decretum, omniaque in eo con-  
firmantes, illud extendimus etiam ad verberâtes, seu quovis mo-  
do graniter offendentes, & delicta supradicta committentes tam  
intus Ecclesias, quàm in eorum attijs, alijsque locis immunibus,  
necnon etiam ad eos, qui omni reuerentia postposita tempore,  
quo Sanctissimum deferretur per Civitates processionaliter, tumul-  
tus, & acclamations prædictas, ac rixas committunt per vicos,  
& plateas, per quas fiunt dictæ processiones, illosq. in eandem ex-  
communicationem latæ sententiæ nobis reservatæ incurrere de-  
cernimus.

#### *Quartum decretum.*

**C**um experiëntia probatum sit, quamplures libros introduci in  
hac Civitate Neâpolis, non solum continentes errores cõ-  
tra bonos mores, sed etiam multoties contra Fidem, & religio-  
nem, & prohibitos etiam in prima, vel secunda classe: Nos huic  
malo occurrere satagentes in alia nostra Synodo de anno 1644.  
mandavimus sub pœna excommunicationis latæ sententiæ No-  
bis

bis reſeruata, ne vllus cuiuſuis conditionis exiſtat, audeat conſignare libros introductos in Ciuitate, ſeu illos extrahere extra Ciuitatem, niſi prius reuideantur à noſtro Theologo, vel à Deputatis, & ſub eadem pœnâ excommunicationis non liceat Bibliopolis emere Bibliotecas, niſi prius cõſignata, & reuiſa liſta librõrũ à noſtro Theologo, vel à Nobis, vel à noſtro Vicario Gener. deputatis, ſeu deputandis, quod decretum confirmantes illud oſtendimus, adedò vt in eandem excommunicationis latæ ſententiæ pœnam Nobis reſeruata incurrant Bibliopolæ, omneſq. qui libros prædictos introducunt, & ſic introductos in eorum apotecis recipiunt, & exponunt, aut quoquo modo in eorum Bibliotecis, & domibus retineri, niſi prius fuerint viſi, & recogniti à noſtris Deputatis, ſiue à quolibet ipſorum.

*Quintum decretum.*

**Q**uia ad aures noſtras peruenit, quod vt plurimum matrimonia contrahantur in Eccleſijs Parochialibus noctis tempore, imo etiam aliquando ſunt per Procuratores tempore, quo contrahentes ſunt præſentes in Ciuitate, vel in Diçeſi noſtra Neapolitana, nulla id expoſcente legitima cauſa, vel neceſſitate, meritò ad hunc abuſum euitandum, & ad ſcandala, quæ ex eo oriri poſſunt, tollenda, præſenti noſtro Synodali decreto præcipimus, & expreſſè mandamus, vt de cetero matrimonia contrahenda non poſſint fieri per Procuratores inter contrahentes intra ſines huius Ciuitatis, & noſtrę Diçeſis commorantes, qui tanquam præſentes perſonaliter accedere debeant ad propriam Parochialem Eccleſiam, imò ea fieri præcipimus ante pulſatam 24. horam tantum, niſi aliter à Nobis legitimè, vel neceſſaria cauſa exiſtente, fuerit diſpenſatum, ſub pœna ipſo facto incurrenda à Parochis, & à quolibet ipſorum, qui poſt decurſam dictam 24. horam, vel per Procuratores, vt ſupra fecerint matrimonia prædicta, ducatorum centum pro qualibet vice, & in quolibet ex cauſis prædictis, ſuſpenſionis itidem ab adminiſtratione Sacramentorum ipſo facto incurrendę, & alia ad noſtrum arbitrium reſeruata. Volumus autem matrimonia prædicta fieri poſſe per Procuratores, quando contrahentes, vel aliquis ipſorum ſuum domiciliũ faciat extra Diçeſim prædictam.

Mandamus etiam ſub eadem pœnâ Parochis prædictis, ne ſimiliter baptizent infantes, tranſacta dicta hora 24. niſi præuia noſtrâ licentia, vel in caſu vrgentis neceſſitatis.



*De Sacramentis :  
Sextum decretum.*

**A**lijs nostris Constitutionibus Synodalibus in anno 1648. & 1658. decreuimus penam carceris formalis circa sacerdotes, qui nulla preuia licentia nostra, fidelium confessiones audire, & sacramentaliter absoluerere non verentur, quę decreta denuo confirmantes contra eos, qui etiam ad finem predictum licentias falsas audiendi confessiones fabricauerint, vel ab alijs falso fabricatis vsi fuerint, quinque annorum ad triremes pena mulcentur, & mulctari volumus.

*De sacrosancto Missę sacrificio.*

*Septimum decretum.*

**P**luries à Sacra Rituum Congregatione decretum est, Feria quinta in Cęna Domini non licere plures Missas celebrare, sed unam tantum: sed quia latius, quàm par est, id aliqui interpretantes, in qualibet Ecclesia celebrari posse contendunt. Nos decreto prefato inhaerentes, mandamus in ipsis tantum Ecclesijs celebrari posse, in quibus sepulchra fieri consueuerunt pro significatione mysterij: sepulchra autem in ijs verò Ecclesijs fieri permittimus, in quibus Sanctissimum Eucharistię Sacramentum asseruatur, & non alias sub pena interdicti Ecclesię, absque nostra expressa licentia. Et quia accidit aliquando in predicto die, festum Sanctissimę Annunciationis de precepto, precati fidelium, & commoditati consulentes, mandamus pro eo anno in omnibus Ecclesijs, in quibus Sanctissimum asseruatur, celebrari posse duas Missas, vnā de mane, alteram solemnem; in alijs vero Ecclesijs vnā tantum.

*Octauum decretum.*

**A**lias in Synodo Diocesana habita in anno 1646. fuit sancitum inhaerendo decretis Sacre Congregationis Episcoporum, & Regularium, omnia, & quęcumque Monasteria Monialium locum pro puellis educandis distinctum, & a cellis ipsarum Monialium profellarum, suę Nouitiarum, vel cuiusvis alterius mulieris quamuis in habitu seculari de licentia eiusdem Sacre Congregationis intra ipsarum septa degentis, omnino segregatum, ne penitus puellę illę pernoctare ibi possent, nec deberent sub pena excommunicationis. Et quia non sine animi nostri perturbatione, auribus perspeximus, ipsum decretum in aliquibus Monasterijs minimè obseruari, ideo ad predicta occurrenda, quantum in Nobis est, decretum ipsum, eiusque continentiam asser-

man-

mando, mādamus pēnam excommunicationis in ipso expressam de cetero incurren. ipso facto, prout sententia lecta, & promulgata foret contra transgressores, & toties, quoties decretum ipsum fuerit transgressum, absolutionem tamen huiusmodi censurę Nobis referuamus, ac in eademmet censura cum iisdem referuacionibus intelligantur incurrere pariter Moniales, Nouitias, Educandas, Conuerlas, Seruas, siuē alias quascumque mulieres in Monasterijs existentes, quo supra nomine, quę infra trium dierum spatium Nobis, vel nostris Ministris non denunciauerint personas, quę decretum p̄dictum transgressę fuerunt.

*Nonum decretum.*

**T**Ametsi Sacra Episcoporum Congregatio circa Regulares p̄cipuo mādato decreuisset, vt Confessarij Monialium p̄ter eleemosynas, quę à Cōmunitate Monasterij illis dantur ab ipsis Monialibus particulariter, ne minimum quidem dono acciperent, sub pēna suspensionis à confessionibus ipso iure incurrenda; nihilominus ob varias interpretaciones datas, in debita obseruantia non permanet. Quamobrem in nostra Synodo anni 1649. cum eorum, quę ad bonum vitę monasticę regimen necessaria essent, compendium factum esset in cap. 15. p̄ceptum fuit ita Confessariis ordinariis vt extraordinariis, ne aliquod munus, p̄terquam à Priorissa, vel Abbatissa tantum accipere possent, sub iisdem pēnis, neque sub p̄textu Missas celebrandi, quarum eleemosyna duos carolenos excedere minimē possēt, cumque ad aures peruenerit, dictum mandatum similiter varijs doctrinis fuisse, interpretatum, & p̄cipuē illud Intelligi habita ratione Missarum lectionum, non autem cantatarum, ac solemnium, pro quibus dicti Confessarij à Sacristis regalia non parua etiam in pecunia accipiunt. Hinc quamcumque interpretationem, ac declarationem tanquam nostrę menti contrarias resecantes, & quantum in dicta Synodo fuit mandatum, & p̄cipuē quantum in dicto cap. 15. continetur confirmantes, p̄cipuē citra p̄iudicium pēnarum incurсарum, in quibus dispensare non intendimus, vt in pēnam dictę suspensionis ab audiendis confessionibus tum Monialium, tum laicorum ipso facto incurrissē, & in futurum incursumos dictos Confessarios, seu quemlibet ipsorum intelligatur aliquid accipiendo tam ob celebrationem Missarum priuatarum, & cantatarum, seu Litaniarum, & quarumcumque Orationum recitationem, licet ab alijs dicendas, seu recitandas curarent. Volentes vt pro dictis Missis quomodocumque sint, nil

amplius,quàm duo caroleni pro eleemosyna accipi possint,quo-  
 nis casu,quavis de causa,titulo, aut colore, neminem excluden-  
 tes,qui à dictis Monialibus, seu Nouitijs, seruabus, vel educandis,  
 quauis rem licèt modicam acciperent etiam comestibilem,  
 etiam per interpositam personam, & quæ laica esset, ad eorum  
 contemplationem, & sub quouis titulo, neminem excludendo,  
 etiam à sponte dantibus, præterquam quale consuetum est dari  
 supradictis Confessarijs ab Abbatissis, vel Priorissis aliquo tem-  
 pore, & occasione ex proprij Monasterij peculio, dummodo in  
 futurum, quod solitum est, non excedat, & non aliter. Sicuti etiã  
 suspensionem prædictam ipso facto decernimus incurrere Con-  
 fessarios prædictos tam ordinarios, quàm extraordinarios per se  
 ipsos procurantes, siuè per intermediarias personas sibi munera ex-  
 cipere à puellis introducendis, & iam introductis intra septa præ-  
 dictorum Monasteriorum educationis titulo, siuè ab eorum pa-  
 rentibus, consanguineis, & affinibus, tempore quo egrediuntur è  
 Monasterijs ipsis, ad finem postea recipiendi habitum regularem.

*Decimum decretum.*

**V**T occurramus absurdis abortis ob sùptuosos apparatus, ac  
 ornamenta, quæ paucis ab hinc annis sunt introducta in  
 Ecclesijs Monasteriorum Monialium, mutuantes margaritas, va-  
 sa argentea, & aurea, ad finem reddendi solemniores dies festi,  
 qui in suis Ecclesijs celebrantur, vt etiam in sepulchris fieri soli-  
 litos in Hebdomada maiori, in quibus præter prædicta, sub diuer-  
 sis mysterijs statuas apponere solitæ sunt pretiosis vestibus orna-  
 tas, ac etiam lapillis, ac gemmis, expressè prohibemus, ac præci-  
 pimus RR. Matribus, Abbatissis, Priorissis, Sacristis, cæterisque  
 Officialibus Monialium nostræ iurisdictioni subiectis, sub pœna  
 priuationis sui officij, vocis actiue, & passiuæ, ac sub pœna inter-  
 dicti suarum Ecclesiarum ipso facto incurrendi, absq; alia decla-  
 ratione, vt in futurum in dictis solemnitatibus, ac festis, sub quo-  
 nis colore, titulo, & causa mutuari nequeant, nec vt gemmis, va-  
 sibus argenteis, ac aureis pro seruitio dictarum Ecclesiarum suarum,  
 sed solum vt debeant proprijs supelleçilibus Monasterio-  
 rum, non autem aliarum personarum: neque tamen in prædictis  
 festiuitatibus celebrandis permittant sub eisdem pœnis exonera-  
 re facere tormenta manualia ignem euidentia, quæ vulgariter  
 nuncupantur mortaletti, maschi, o fuochi arteficiati.



*Vndecimum decretum.*

**C**um à Nobis sapius diuersis temporibus præceptum sit pluribus Edictis, ac postremo sub die 10. mensis Decembris 1658 suo pœna excommunicationis latæ sententiæ ipso facto incurrendæ Nobis reseruati RR. Matribus Abbatissis, Priorissis, Monialibus professis, Nouitijs, Educandis, Conuersis, vel Secularibus cuiusuis status, gradus, ac conditionis in Monasterijs morantibus subiectis nostræ iurisdictioni, ne auderent, nec vnaquaque ipsarum audeat per Rotas, aut per alias partes introducere infantes masculos, siue fœminas in dicta sua Monasteria sub quouis prætextu, etate, causa, aut ficto colore. Hinc est, quod præsentis nostro decreto Synodali denuò præcipimus, ac iubemus sub eadem pœna, vt in futurum inuiolabiliter obseruetur quantum supra præceptum est, necnon declaranda sint incurrisse in censuras de violata clausura.

*Duodecimum decretum.*

**C**ratium abusus, ac loci communicatorij in Monialiū Ecclesijs existentis Nobis subiectis, Nos impulit ad prohibitionem earum rerum, quæ à Nobis alias factæ sunt, ne aliqua persona, commorans in clausuris dictorum Monasteriorum loqui possit à supradictis cratibus, ac communicatorio cum aliquo, exceptis tamen Sacristanis pro tempore, & solùm cum illis, ac Clericis suarum Ecclesiarum, ac cum spectantibus ad officium Sacristarum; cum perpersum sit, satis indecorum esse loqui in locis prædictis, ac vertere humeros maiori altari, vbi Sanctissimum alteruatur, & quia assiduò non desistunt ab inobseruantia dictorum ordinum, ac prohibitionum factarum cum continuatione dicti antiqui abusus præcipimus, ac iubemus rursus sub pœna excommunicationis latæ sententiæ, cuius absolutionem Nobis reseruamus, ne aliqua Monialis Professa, Nouitia, Educanda, Conuersa, & Secularis, ac vnaquæque illarum præcipue possit, nec possint loqui cum aliqua persona cuiusuis status, gradus, & conditionis ex cratibus, ac communicatorio, supradictis tamen exceptis Sacristis pro tempore existentibus, quibus tantum liceat cum Sacristis, & Clericis suarum Ecclesiarum pro occasione officij, ne materiarum ad ipsum officium spectantium cum debita reuerentia Sanctissimo, sub eadem censura prohibemus, ne aliqua persona cuiusuis status, gradus, & conditionis loqui possit ex supradictis cratibus, ac communicatorio, tametsi in primo, secundo, vel tertio consanguinitatis gradu coniuncta sit cum vnaquaque Mo-

moniali, Educanda; Conuersa, aut Seculari assentibus in clausuris  
dictorum Monasteriorum, non obstante, quod esset monacatus,  
aut professionis tempore.

*Decimumtertium decretum.*

**C**um experientia docuerit in quibusdā Monasterijs, vbi adsunt  
puellæ educandæ, quæ cum ad nubilem ætatem peruene-  
rint, solent satis splendidis vestibus ornari, vt venustiores futuris  
sponsis videantur, nullam loci rationem habentes vbi morantur;  
qui solū diuino cultui dicatus est, non solū scandalum pariē-  
tes Monialibus iam dicatis sponis Christi Domini nostri, verū  
etiam laicis, qui negotiorum causa ibi versari solent. Quapropter  
moti à zelo maioris Dei seruiti j, ad quem omnes nostros actus  
dirigimus, & ad tollendum omninò talem abusum præcipimus,  
ac iubemus, vt in futurum Educandæ in dictis Monasterijs mo-  
rantes nullo modo vestibus lautis ornentur, verū modeste, &  
eodem modo vestiantur, quo ceteræ Educandæ, sub pena excom-  
municationis latæ sententiæ ipso facto incurrendæ Nobis reser-  
uata. Idem sub eadem pena præcipimus, ac iubemus R.R. Ab-  
batissis, Priorissis, Magistris Educandarum, alijsque Monialibus  
permissuris, casu quo matrimonium succederet cum qualibet edu-  
canda, vt loquatur cum futuro sponso sola, nec comitata: ceterū  
ab huiusmodi colloquijs absteineat vsque dum nuptura exhibet, &  
vt omnibus inconueniētibus occurramus, quæ in huiusmodi ma-  
teria euenire possent, accessum sponсорum huiusmodi ad dicta  
Monasteria prohibemus sub eadem pena excommunicationis la-  
tæ sententiæ.

*Decimumquartum decretum.*

**N**on sine magna animi nostri molestia præsentimus in hisce Mo-  
nasterijs nostræ iurisdictioni subiectis, aliquo ab hinc tem-  
pore introductum esse assiduū abusum ab Officialibus, Monia-  
libus, vtpotè sunt Sacristæ, Infirmariæ, Cellerariæ, Sindicæ, Vestia-  
riæ, Panetteriæ, ac aliæ Officiales, quæ regularis disciplinæ oblitæ,  
& obseruantie suarum regularum, proprijs sumptibus plures da-  
pes, ac munera vulgariter dicta Piatanze, apponunt tum ipsi Mo-  
nialibus, tum externis infra annum, multi, & nimij sumptus, suis  
viribus non respondentibus, quod totum causatur à dignitatis  
stimulo, ac à mordaci amulatione, quæ inter eas esse solet. Vnde  
vt occurramus huic abusui, quemadmodum debemus, præcipi-  
mus, ac iubemus supradictis Matribus Abbatissis, Priorissis, Rota-  
rijs Monialibus, Officialibus supradictis presentibus, & futuris,

ac vnicuique illarum respectiue, sub pœna excommunicationis  
latæ sententię Nobis tantum reseruatę, ac sub pœna priuationis  
officiij, ac vocis actiue, ac passiue, ne deinceps sub quouis pretextu,  
causa, vel fido colore infra annum huiusmodi dapes, ac mu-  
nera vulgariter dicta Piatanze, parare debeant proprijs sumpti-  
bus Monialibus, alijsque personis extraneis tanquam res contra-  
ria voto paupertatis, quam professę sunt; vsque dum verę sint ob-  
seruantes, vt debent suarum regularum, ac spectabiles obseruan-  
tię, constitutionis, ac reformationis factę à felic. memorię PP.  
Clementis VIII. circiter vitam communem.

*Decimumquintum decretum.*

**L**icet assiduò voce significauerimus nostram mentem Confes-  
sarijs nobis destinatis ad audiendas confessiones Monia-  
lium nostrorum monasteriorum, quibus pariter conceditur fa-  
cultas ingrediendi in clausuris in vrgenti necessitate causa mini-  
strandi Sacramenta Penitentię, Eucharistię, & Extreme Vnctio-  
nis, vt ingredi deberent ea modestia, ac cultu, qui huiusmodi my-  
sterijs debetur, ac loco, sed vt comitati à duabus Monialibus ex  
senioribus Monasterij irent recta, ac via breuiori ad cellam infir-  
me, non aliò vagantes. Cumque in prædictis inobseruantiam  
agnouerimus, præcipimus, ac iubemus supradictis Confessariis,  
presentibus, ac futuris sub pœna suspensionis ab audiendis con-  
fessionibus ipso facto incurrendę nostro arbitrio, vt in casibus su-  
pradictis necessitatis, in quibus ipsis conceditur ingressus in elau-  
suras, præter modestiam, ac cultum, qui in talibus mysterijs requi-  
ritur, in quorum exercitio à duabus Monialibus comitentur ex  
senioribus Monasteriorum, recta ire debeant, ac breuiori via ad  
cellam infirmę, nec per aliam partem clausurę vagari. Er vt præ-  
sens nostrum decretum inuiolabiliter seruetur, præcipimus, &  
mandamus nostro Actorum Magistro Monialium, quod in expe-  
diendis in futurum literis patentibus iisdem Confessariis Monia-  
lium, exprimat in corpore ipsarum tenorem presentis decreti.

Ascanius Card. Philamarinus Archiepiscop. Neap.



**E**T statim rogauit Synodum dicens: Placent ne vobis Adm.  
RR.DD.Canonici,& Capitulum, Abbates, Rectores, Parochi,  
& tota Synodus dicta decreta. Et responderunt: Placent.

Deindè lectum fuit Capitulum S.C.T.de examinatorib. sess. 24.  
cap. 18. & postea publicauit Examinatores Synodales modo, vt  
sequitur, videlicet,

Ascanius miseratione diuina tituli S. Mariæ in Ara Cœli S.R.E.  
Presbyter Cardinalis Philamarinus Archiepiscopus Neapolita-  
nus in hac Synodo Præsides.

Proponimus vobis infra scriptos Examinatores Synodales pro  
ijs, qui ad Beneficia curata sunt promouendi, v3.

R.D. Io. Franciscum Ingenium V.I.D. Secretarium examinis.

R.D. Iosephum Sagefium S.T.D.

R.D. Octauium Pisam S.T.D.

R.D. Andream Medicau S.T.D.

R.D. Matthæum Renza S.T.D.

R.D. Thobiam Campanile S.T.D.

R.D. Matthiam Guarracino S.T.D.

R.D. Aloysium de Vrso S.T. Profess.

*Canonicos nostræ Metropolitanæ Ecclesiæ.*

R.D. Seuerum Garofano Parochum eiusdem Cathed. Eccl.

Patrem Dl Petrum Gisolfo Congreg. Piorum Oper.

Patrem Vincentium Auenatum Congreg. Orat.

R.D. Franciscum Staibanum S.T.D.

Et statim rogauit Synodum sequentibus verbis v3. Placent ne  
vobis Adm. RR.DD. Canonici, & Capitulum, Abbates, Rectores,  
Parochi, & tota Synodus satisfaciunt huiusmodi Examinatores,  
& probantur à vobis. Et responderunt: Placent, satisfaciunt, &  
probantur.

Deindè per Dom. Primicerium fuit allata Reliquia S. Io. Bapti-  
stæ cum luminibus, & posita ante Eminentissimum Dominum, ibi  
accesserunt prædicti Examinatores synodales tantum: & genufle-  
xi ante dictam Reliquiam, & præfatum Eminentissimum bini præ-  
siterunt iuramentum, quod scriptum erat in quadam schedula  
tenoris sequentis v3. Ego N. N. Examinatoris officium, quod sus-  
cepi, promitto, spondeo, & iuro me fideliter, & sincerè quantū in  
me est exequuturū, sic me Deus adiuvet, & hæ Sāctorū Reliquiæ.

Deindè prædictus Dominus Secretarius subiunxit:

Ascanius miseratione diuina tituli S. Mariæ in Ara Cæli S.R.E.  
Presb. Card. Philamarinus Archiep. Neap. in hac synodo Præsides.

De-

Designamus vobis sequentes Iudices Synodales habētes qualitates à Iure requisitas, quibus causæ à Sede Apostolica committī, & à Regularibus in Conservatores eligi possint, v3.

R. D. Franciscum de Magistris V. I. D.

R. D. Io. Franciscum Ingenium V. I. D.

R. D. Honuphrium Latronico V. I. D.

R. D. Dominicum Ascione V. I. D.

R. D. Carolum de Philippo V. I. D.

R. D. Antoniū Tango V. I. D. Noltræ Cathedr. Ecclesiæ Canonicos.

Et statim rogavit Synodū, his verbis, v3. Placēt ne vobis Adm. RR. Canonici, & Capitulum, Abbates, Rectores, Parochi, & tota Synodus huiusmodi designatio. Et responderunt: Placent.

Et statim subiunxit. A scianus miseratione diuina tituli S. Mariæ in Ara Celi S. R. E. Presbyter Cardinalis Philamarinus Archiep. Neap. & in hac Synodo Præsident.

Quoniam sacri Canones mandant, vt in Synodis aliqui viri spectatæ vitæ deligantur, qui testes synodales appellari solent, & ipsorum munus est an aliquid in Ciuitate, & Diecesi corrigendū sit inuestigare, & cognitum ad nos, nostrumq. Generalem Vicariū referre, vt oportune prouideri possit. Propterea huic officio proponimus eos, quos in hac schedula annotauimus, quorum nomina vt maiori diligentia, & libertate huic muneri vacare possint, minimè divulganda esse censuimus.

Mox Adm. R. D. Canonicus Honuphrius Latronicus Promotor præsentis Synodi accessit ad præfatum Eminentissimum Dominum, & insisterit pro vocatione Cleri, dicens.

Eminentissime, ac Reuerendissime Pater, & Domine: Sancitum est in Concilijs generalibus, & præcipuè in Concil. Trid. vt omnes Ecclesiastici, qui de iure, vel consuetudine Synodo Diecesanæ, quæ quotannis celebrabitur, etiam si exempti sint, interesse debeant, etsi negligentes fuerint, penas à sacris Canonibus præscriptas incurrant: cumque multi non adsint, nec iusti impedimenti excusationem, aut nuntium miserint: Propterea ego Honuphrius Latronicus Canonicus huius Synodi Promotor iusto eos vocari, & absentes notari, ac contra ipsos procedi ad penas iuxta formā dictorum Canonum. Et præfatus Eminentissimus Dominus dixit, Ita fieri decernimus, & mandamus.

Et statim prædictus Dominus Secretarius è pulpito prædicto alta, & intelligibili voce dixit: Mox vocabantur qui huic Synodo interesse debent nominati, capite aperto stantes, respondētes: ad-

sum,

sum, & ante Eminentiss. Dom. Card. Archiepisc. accedant, & reuerentiam exhibeant, & recedant in partem; non tamen ab Ecclesia discedant quovsq; Synodus absoluta fuerit.

Tunc infra scriptus Notarius Synodi ex lista, quam habebat in manibus infra describendam, vocari fecit per Cursores Curia Vincensium Pallamolla omnes Abbates, Rectores, Parochos, Sacristas, Presbyteros, Diaconos, Subdiaconos, Clericos, ac Beneficiatos Ecclesiarum, & Cappellarum huius Ciuitatis, & Diocesis, & presentes responderunt, Adsum, reuerentiam prestituerunt Eminentiss. Dom. Cardinali Archiepisc. & recesserunt versus Altare maius, & iterum reuersi sunt ad locum suum, &c. Absentes notaui, & per Reu. Fiscum fuerunt accusata contra eos contumacia, &c.

Finita vero vocatione Cleri, accessit predictus Dom. Promotor Fiscalis ad Eminentiss. Dom. & dixit: Eminentissime, & Reuerendiss. Pater, & Domine: cum videam omnia, quae ad Synodi celebrationem ex praescripto factorum Canonum, & praecipue S. C. T. requiruntur, in praesenti Synodo esse confecta; ideo ego Honuphrius Latronicus Canonicus huius Synodi Promotor insto, si Eminentiae Tuae ita placuerit, ut eadem Synodus terminetur, & Clerus omnis ad suas Ecclesias dimittatur. Et praefatus Eminentiss. dixit: Finis in praesenti Synodo imponatur. Et ita cum predictus Dom. Secretarius ex pulpito, ut supra dixit

Ad laudem Omnipotentis Dei, Beatiss. semper Virginis Mariae, SS. Ianuarij, aliorum Patronorum nostrorum honorem, decernimus Synodum completam, & propterea cuique eundem esse ad proprias Ecclesias. Curate igitur cum redieritis, ut populus omnis vos ab hac Synodo non mediocrem fructum reportasse intelligat.

Mox predictus Dom. Promotor erigens se dixit alta voce: Ego Honuphrius Latronicus Can. Neap. huius Synodi Promotor insto, & rogo Not. & Act. praesentis Synodi, ut de singulis in hac Synodo gestis, & peractis unum, vel plura conficiat instrumentum, vel instrumenta, & infra scriptus Not. respondit, cunctis libenter, &c.

Tunc praefatus Eminentiss. Dom. genuflexus super pulvinum in praedicto Throno innotuit, Te Deum laudamus, &c. Cantoribus, & alijs de Clero prosequentibus: quo finito, praefatus Eminentiss. dixit, Ordinem nulla est, &c. ut in Pontificali, deinde benedixit Synodo more solito, dicens: Sit nomen Domini, &c. Mox per Dom. Primicerium fuerunt publicatae Indulgentiae centum dierum concessae a praefato Eminentiss. Dom. &c. Demum fuit dimissa Synodus dicente D. Can. Ioseph de Auxilio tunc primo Diaconus. Recedite in pace, &c.

Alcanius Card. Philamarius Archiepiscopus Neap.